

玉

海



040

1000.85

34893

通鑑地理通釋目錄

浚儀王應麟伯厚書

卷一

歷代州域總敘

卷二

歷代州域總敘

卷三

歷代州域總敘

卷四

歷代都邑攷

卷五

十道山川攷

卷六

周形勢攷

卷七

名臣議論攷

卷八

七國形勢攷

卷九

七國形勢攷

卷十

七國形勢攷

卷十一

三國形勢攷

卷十二

三國形勢攷

卷十三

晉宋齊梁陳形勢攷

卷十四

河南四鎮攷

東西魏周齊相攻地名攷

唐三州七關十一州攷

石晉十六州攷

太極肇分。天先成而地後定。天依形。地附氣。地圍于天者也。而言地理者。難於言天。何爲其難也。日月星辰之度。終古而不易。郡國山川之名。屢變而無窮。是故圖以經之。書以緯之。仰觀俯察。其用一也。虞書九共。先儒以爲九丘。其篇軼焉。傳于今者。禹貢職方而止耳。若山海經周書王會爾雅之釋地。管氏之地。負呂覽之有始。鴻烈之墜形。亦好古愛奇者所不廢然。

諸儒之傳注異。歷代之區寓殊。禹之九河。班志僅得
其三。商之八遷。孔疏未聞其四。漢水東西之分。積石
大小之辨。荆山之於荆。豫梁岐之於冀。雍潛在荆者
未見。蔡在圻內者未詳。三江九江五邦三亳。則書之
說異焉。還之爲營。彌之爲坵。以著爲齊地。以韓城爲
涿郡。自土之爲自杜。倭遲之爲郁夷。騶虞之爲梁。鄒
二南之爲南郡。南陽則詩之說異焉。揚紆在冀而爾
雅以爲秦。盧水在濟北而康成讀爲雷。漳水之爲潞
吳山之爲嶽。五湖混於具區。潁湛列於荆浸。此職方
之疑也。豫章在江南而江北之地未知。中牟在河南

而河北之地難攷許田魯地而非近許鄆鄭邑而非鄆陵穀小穀之有別父城城父之不同此春秋之疑也二地而一名者若王城葵丘酒泉貝丘鍾離之類一地而二名者若白羽夾白夷垂葭發陽之類方城細柳丹水之有三塗山歷山東陽武城之有四瞻彼洛矣與東都之洛異導洛自熊耳與宜陽之熊耳殊首陽空桐新城石門石城丹陽白沙硤石之屬其地非一畢萬之魏爲河中之永樂而以元城爲大名失矣自廬振廩爲襄陽之中廬而以合肥爲廬國失矣潘岳賦西征不知成師之曲沃在河東韓臯論廣陵

散不知魏之揚州治壽春韓文公南陽人在河內之
脩武而誤曰鄧州史記鄖關在漢中之長利而誤曰
洵陽杜子美詩三竒戍在彭州之導江而誤改曰三
城荀卿蘭陵非常州也孔明渡瀘非瀘州也公琰屯
涪非涪州也公瑾赤壁非黃也元規南樓非鄂也鄂
都白雪誤於郢州東海二踈誤於海州以塗山爲會
稽以蓄桑爲采桑以大別爲安豐以東陵爲廬江以
楚丘爲成武以街亭爲南鄭襲訛踵繆不可殫紀漢
沔一也而或二之吳會一也而或一之江統誤鄩於
沛郡皇甫謐誤商丘於濮陽顏師古誤邛都於邛州

青衣於嘉州南陵於宣州注文選不知夷庚注本草不知沙苑博見疆志者猶或失之舊蹟湮沒如濟絕于滎碣石淪于海昆明鑿而鑄京爲池隋城立而漢都爲苑南北僑置如青有太原豫有廣陵六合之爲秦郡項城之爲秣陵玉門之爲會稽尋陽在蘄而移柴桑當塗在濠而寓姑孰郡名非古如雲之雲中平之北平薊之漁陽縣名非古如京兆之武功豐州之允原皆非秦漢之舊或若異而同或似是而非不可謂博識爲玩物而不之攷也余間居觀通鑑將箋釋其地名舉綱提要首以州域次以都邑推表山川參

以樂毅王朴之崇論。徂議。稽左氏國語。史記戰國策。通典所叙歷代形勢。以爲興替成敗之鑒。大易設險守國。春秋書下陽彭城虎牢之義也。河湟復而唐衰。燕代割而遼熾。述其事終焉。若昔對白題羊腸帝丘。內黃問松亭柳河者。以該洽見稱。今豈無其人乎。孤陋寡聞。未免闕誤。以俟博雅君子。山河不改。陵谷屢遷。亦以發摭古之一慨云。上章執徐歲橘壯之。月子王子書通釋後。

有

通典

又樂

通考

通鑑地理通釋卷第一

浚儀王應麟伯厚甫

歷代州域總敘上

神農九州

春秋命曆敘云、人皇氏分九州、神農始立地形、甄度四海、東西九十萬里、南北八十一萬里、周禮疏云、自神農已上、有大九州、柱州、迎州、神州之等、至黃帝以來、德不及遠、惟於神州之內、分爲九州、騶衍云、中國名曰赤縣神州、赤縣神州內自有九州、禹之序九州是也、中國外如赤縣神州者九、乃所謂九州也、有裨

海環之一區中爲一州。如此者九有大瀛海環其外。淮南陸形訓云。天地之間九州。東南神州曰農土。正南次州曰沃土。西南戎州曰滔土。正西弇州曰弁土。正中冀州曰中土。西北台州曰肥土。正北濟州曰成土。東北薄州曰隱土。正東陽州曰申土。帝王世紀云。諸子稱神農王天下。地東西九十萬里。南北八十五萬里。愚謂河圖言崑崙者地之中。釋氏言日月照四大洲。卽騶衍之說。此莊子所謂存而不論者也。

黃帝九州

禹貢釋文。周公職錄云。黃帝受命。風后受圖。割地布

九州漢地理志云黃帝旁行天下方制萬里畫懋分
州得百里之國萬區晉地理志云黃帝令鑿亥步自
東極至于西極五億十萬九千八百八步帝王世紀
云黃帝推分星次以定律度自斗十一度至婺女七
度曰星紀之次今吳越分野自婺女八度至危十六
度曰玄枵之次今齊分野自危十七度至奎四度曰
豕韋之次今衛分野自奎五度至胃六度曰降婁之
次今魯分野自胃七度至畢十一度曰大梁之次今
趙分野自畢十二度至東井十五度曰寶瓶之次今
晉魏分野自井十六度至柳八度曰鶉首之次今秦

分野自柳九度至張十七度曰鶉火之次今周分野
自張十八度至軫十一度曰鶉尾之次今楚分野自
軫十二度至氐四度曰壽星之次今韓分野自氐五
度至尾九度曰大火之次今宋分野自尾十度至斗
十度百三十五分而終曰析木之次今燕分野自天
有十二次日月之所躔也地有十二分王侯之所國
也愚謂通典云國之分野上配天象始於周子世紀
所云蓋以星官之書自黃帝始也

顓帝九州

冀充青徐揚荆豫梁雍帝王世紀云顓帝所建帝嚳

受之孔子稱其地北至幽陵南暨交趾西蹈流沙東極蟠木是以建萬國而制九州通典亦謂顓帝置九州葉氏云祭法共工氏之霸九州也其子曰后土能平九州則九州之名舊矣幽陵幽州交趾交州流沙在沙州西蟠木東海度索山上有屈盤桃木

舜十二州

冀兗青徐揚荆豫梁雍幽并營孔氏曰禹治水之後舜分冀爲幽并分青爲營馬氏云禹平水土置九州舜以冀州之北廣大分置并州燕齊遼遠分燕爲幽齊爲營漢地理志云堯遭洪水天下分絕爲十二州

禹平水土。更制九州。列五服。與孔馬之說異。愚謂舜
典言肇十有二州。咨十有二牧。而後命禹平水土。當
以漢志爲正。鄭氏謂分衛爲并。燕以北爲幽。分齊爲
營。朱氏謂分冀東恆山之地爲并。又東北醫無閭之
地爲幽。又青之東北遼東等處爲營。而冀止有河內
之地。今河東一路是也。劉氏云。冀州之域大於九州。
於是分爲幽并。以此二州北扞夷狄。使不得接於王
畿。書大傳。虞夏傳云。此十有二州。注。此域也。爲營域。
以祭十二州之分星也。

五服

甸侯綏要荒。葉氏云禹制五服。每服率五百里。而王畿甸服在其內。則一方爲二千五百里。東西南北相距各五千里。此所謂彌成五服。至于五千者也。至周而益爲九畿。每畿亦五百里。而王畿又不在內。則一方爲五千里。南北東西各萬里。周之地果如是廣乎。學者求其說而不得。故鄭氏以堯舊服五千里。至禹治水之後。又增其倍。謂禹貢所記爲舊服所增之數。以與周制合。又謂周公攝政。斥大九州之境。故五等諸侯之封。大者增其五之四。小者增其十之五。此皆矯妄不經。無所取信。以周官大司馬九畿之籍考之。

方千里曰國畿。其外亦皆以方言。方者謂四方也。四方環之爲千里。徑數之每方當止爲二百五十里。則周之畿爲儉於禹矣。林氏云。以王制考之。堯都冀州。自恆山至南河千里。自東河至西河千里。此畿內千里。卽甸服也。自東河至東海千里。自西河至流沙千里。此千里建五百里侯服。五百里綏服。而東海流沙之外。則爲要荒。誠合經之所載。至於南北。則有盈縮焉。以北考之。冀之北距恆山。已接於邊陲。其間何以容二千五百里之侯綏要荒哉。以南考之。自南河至江千里。已建侯服綏服矣。自江至衡山千里。則要荒

二服。又在九州之內矣。然自衡山至南海又千里。揚州之境。且南距海。則九州且包乎要荒之外。是以南考之則太盈。以北考之則太縮。實疑而未知其說。意其必有乘除相補於其間也。應氏云。自秦而上。西北袤而東南蹙。自秦而下。東南展而西北縮。古今之疆理。天地之大運。中國夷狄之消長。大略可見。當先王盛時。東西南北各有不盡之地。蓋聽四夷居之不勞。中國以事外也。若禹貢之東漸西被而朔南咸暨。特其聲教之所及。非必貢賦之所限也。故外薄四海。弼成五服。至于五千者。此區域之大數。而疆理之略者。

也。四海之內。斷長補短。方三千里者。此民田之大數。而疆理之詳者也。觀於曰內曰外二字。而治之詳略可知矣。王氏曰。舜之五服。侯甸綏三服在九州之內。要服有夷。荒服有蠻。在九州之外。成周九服。侯甸男采衛要六服在九州之內。夷鎮蕃三服在九州之外。

禹九州

冀。兗。青。徐。揚。荆。豫。梁。雍。通典云。雍州西境。流沙之西。荆州南境。五嶺之南。所置郡縣。並非九州封域之內。帝王世紀云。堯遭洪水。分爲十二州。今虞書是也。及禹平水土。還爲九州。今禹貢是也。是以其時九州之

地凡二千四百三十萬八千二十四頃。定墾者九百一十萬八千二十四頃。不墾者千五百萬二千頃。民口千二百五十五萬三千九百二十三人。至于塗山之會。諸侯承唐虞之盛。執玉帛亦有萬國。是以山海經稱禹使大章步自東極至于西垂。二億三萬三千五百里七十一步。又使豎亥步南極盡於北垂。二億三萬三千五百里七十五步。四海之內。則東西二萬八千里。南北二萬六千里。出水者八千里。受水者八千里。名山五千三百五十。經六萬四千五百六十六里。出銅之山四百六十七。出鐵之山三千六百九。以供財。

用。蘇氏云。堯水河爲患最甚。江次之。淮次之。河行冀
堯爲多。而青徐其下流。被害亦甚。堯都於冀。故禹行
自冀始。次于堯。次于青。次于徐。四州治而河患衰矣。
雍豫雖近河。以下流旣治。可以少緩也。故次于揚。次
于荆。以治江淮。江淮治而水患平。故次于豫。次于梁。
次于雍。以治江河上流之餘患。而雍最高。故終焉。朱
氏云。冀州極闊。河東河北皆屬焉。雍州亦闊。陝西五
路皆屬焉。若青堯徐豫。則疆界有不足者矣。鄭氏云。
州縣之設。有時而更。山川之形。千古不易。所以禹貢
分州。必以山川定經界。使兗州可移。而濟河之堯不

能移使梁州可遷而華陽黑水之梁不能遷是故禹
貢為萬世不易之書

薛氏云至夏復
為禹貢之九州

萬國

鄭氏云州十有二師每一師領百國每州千二百國
畿外八州揔九千六百國其餘四百國在畿內唐虞
地方萬里九州之內地方七千里劉氏云一州十二
師以商周之制推之則連率卒正之類也以五長稽
之則五國有長而十長有師乎十長之師凡五十國
一州十二師則六百國也州六百國計十二州則七
千二百國也十二州之外藩乎四海又有五長是以

禹會諸侯於塗山執玉帛者萬國也葉氏云所謂萬

國者槩其成數未必實有之也呂氏春秋王者之封建也彌近彌大彌遠

彌小海上有十里之諸侯以大使小以重使輕以衆使寡漢上朱氏曰建萬國者衆建諸侯而少其九

商九有

爾雅九州兩河間曰冀河南曰豫河西曰豳漢南曰

荆江南曰揚濟河間曰交濟東曰徐燕曰幽齊曰營

孫炎曰此蓋殷制孔氏云禹貢有梁青無幽營周禮

有幽并無徐營孫炎以爾雅之文與禹貢不同於周

禮又異故疑為殷制耳亦無明文言殷改夏也地理

志云殷因於夏無所變改陸氏曰禹貢有青徐梁而

并幽營爾雅有徐幽營而無青梁并職方有青幽并
而無徐梁營三代不同故也陳氏云商書言九有之
師商頌言奄有九有式于九圍王制於商亦言九州
千七百七十三國則商之九州蓋亦襲夏而已通典
云塗山之會萬國四百年間遞相兼并殷湯受命其
能存者三千餘國亦為九州黃州在兩河之間西則
陸之河降水大陸今黃貝二州界之河東則降水大
有其二注天下歸文王者六州荆梁雍豫徐揚也惟
交青冀
尚屬紂

周九州

揚荆豫青兗雍幽冀并鄭氏注揚荆豫交雍冀與禹

貢略同。青州則徐州地也。幽并則青冀之北也。無徐梁。晉地理志云。成王時改作禹貢。徐梁入於青。雍冀野析於幽并。王氏云。九州之序。禹貢始於冀。次以兗而終於雍。職方氏則始於揚。次以荆而終於并者。蓋禹貢言治水之序也。職方言遠近之序也。治水則自帝都而始。然後順水性所便。自下而上。故由兗至雍而止也。以遠近言之。則周之化自北而南。為遠。故關雎鵲巢之詩。分為二南。漢廣亦言文王之道。被于南。國德化之所及。以遠為至也。始於揚。則以揚在東南。次以荆。則以荆在正南。終於并。則以并在正北。先遠

而後近也。左傳王使詹桓伯辭於晉曰：我自夏以后稷，魏駘芮岐畢，吾西土也。及武王克商，蒲姑商奄，吾東土也。巴濮楚鄧，吾南土也。肅慎燕亳，吾北土也。漢賈捐之曰：武丁成王，殷周之大仁也。然地東不過江黃，西不過氐羗，南不過蠻荆，北不過朔方。鄭氏鏗曰：蓋其地為淮夷徐奄所有。李氏曰：周都雍，不可不廣。故合梁雍為一。徐地狹隘，故青兼之。

九畿 九服 六服 五服

大司馬九畿方千里曰國畿，其外侯甸男采衛蠻夷鎮蕃職方氏九服方千里曰王畿，其外侯甸男采衛蠻夷鎮藩大行人邦畿方千里，其外侯甸男采衛要

服九州之外。謂之蕃國。周官六服羣辟罔不承德。六年五服一朝。周語祭公謀父曰。先王之制。邦內每服。邦外侯服。侯衛賓服。蠻夷要服。戎翟荒服。甸服者祭。侯服者祀。賓服者享。要服者貢。荒服者王。日祭月祀。時享歲貢。終王先王之訓也。葉氏曰。禹別九州。制天下爲五服。王畿在其內。周公分天下爲九畿。而王畿不與。以侯甸男采衛之在中國者爲五服。言罔不承德。則舉六服。合王畿言也。言六年一朝。則舉五服。別諸侯言也。鄭氏以殷之大界方三千里。以開方計之。方千里者九。其一爲縣內。餘八各立一州。合內外總

爲千七百七十二國。周公復唐虞之地，分五服爲九。其要服之內，方七千里。意以夏末旣衰，中國之地爲四夷所侵，至周方能復之。今考於禹貢所謂五服皆五百里爲別，則是要服之內，通於四面，距中國之地乃方三千里。達於荒服，止於五千里。康成旣以殷之大界方三千里矣，固合於禹貢中國之地，而謂四夷所侵者果何地也。周公雖斥大九州之界，而地加於禹貢者纔五百里。今職方氏分九州之邦國方千里爲王畿，自侯甸男至于采衛皆方五百里，是五服之地方二千五百里。合王畿計之，方三千五百里。由三

千五百里分之。合四面相距方七千里。廼康成所謂要服之內也。蓋禹貢所謂要荒。卽周官所謂蠻夷鎮蕃。通要荒而合於禹貢中國之地。則唐虞夏殷之時。中外凡方一萬里。通蠻夷鎮蕃而合於周官。則周公之時。中外凡萬一千里。以其一千里之多。是以周公斥大封疆。纔五百里。康成不知異同在此。而唯見要服之內。方七千里。乃牽左氏執玉帛者萬國之說。而謂唐虞之時。非七千里不能容之。且仲虺之諾言。表正萬邦。纘禹舊服。則是湯之時。固有萬國矣。所謂大界三千里者。何以能容之也。然則九州之內。千七百

七十三國未必殷制王氏國畿言其有界畫服言其服王事六年五服一朝者以侯甸男邦采衛言也六服羣辟罔不承德者兼要服而言之也先王之制中國五服而周官言六者蓋近中國之夷狄承德則國家閒暇可以明政刑之時也方是時也四征弗庭其治未若制禮之際爲已備矣故其限朝止於五服而已周官行人於六服之見則及於要服者則其治爲尤詳於四征弗庭之時也近中國之夷狄非特承德而又能入貢以來見焉則制禮以致太平者此其極也鄭氏曰要服蠻服也九州之外夷鎮蕃服也

陳氏曰衛

侯之外。聖人雖制之服而不必其來。故武成洛誥康王之誥。止言五服。易氏曰：禹之五

服則計其一面之數。周之九服則計其兩面之數。禹之甸服千里而止。言五百里是計其一面者也。周之王畿與禹之甸服同。不言五百里而兼言千里是計其兩面之相距者也。蓋禹之五服王畿在內。王畿千里而兩面各五百里。數其一面。故曰五百里。甸服自甸服至荒服皆數其一面。每面各五百里。總為二千五百里。兩面相距則凡五千里。職方氏所載則王畿不在九服之內。自方五百里之侯服至於方五百里之蕃服。其名凡九。九服每面各二百五十里。通為二

千二百五十里。兩面相距則通爲四千五百里。并王畿千里則通爲五千五百里。其增於禹者五百里之蕃服耳。然周之蕃服雖不列於禹貢九州之外。而禹貢九州之外咸建五長。東漸西被。卽成周蕃服之域。是周之蕃服其名雖增於禹。而其地未嘗增也。周之邦畿卽禹貢之甸服。周之侯甸卽禹貢之侯服。周之男采卽禹貢之綏服。周之衛蠻卽禹貢之要服。周之夷鎮卽禹貢之荒服。呂氏曰。在商之時。古公以皮幣犬馬珠玉事纁鬻。而商王不知。在周之時。晉國拜戎不暇。而周室不與。然則三代禦邊之畧。蓋可知矣。

千八百國

洛誥傳云。天下諸侯采服來受命於周者千七百七十三諸侯。晉地理志云。武王設爵惟五分土惟三。封同姓五十餘國。周公康叔建於魯衛。各數百里。太公封於齊。表東海者也。凡一千八百國。布列於五千里內。而太昊黃帝之後。唐虞侯伯猶存。于時治致太平。政稱刑措。民口千三百七十一萬四千九百三十三。蓋周之盛也。其衰也。則禮樂征伐。出自諸侯。疆吞弱而衆暴寡。春秋之初。尚有千二百國。迄獲麟之末。二百四十二年。弑君三十六。亡國五十二。諸侯奔走。不得保其社稷者。不可勝數。而見於春秋經傳者。百有

七十國焉百三十九知其所居

魯邾鄭宋紀衛西虢
莒齊陳杞蔡邢邾寧

薛許鄧秦曹楚隨黃梁虞鄭小邾徐燕穆秦舒庸邾

萊吳越有窮三苗瓜州有虞東號共宿申夷向南燕

滕凡戴息邠芮魏淳于穀巴州蓼羅賴牟葛譚蕭遂

滑灌鄆霍耿江冀弦道柎微鄆厲項密任須句顛泉

頓管雍畢豐邗應蔣茅胙夔介焦沈六巢根牟唐黎

郇瑕寒有鬲斟灌斟尋過有過戈偃陽郝鑄豕韋唐

杜楊幽郇觀扈邳胡黎人庭駘岐郚鍾

吾蒲姑昆吾房密須甲父郟桐宅韓趙三十一國盡

亾其處祭極荀賈貳軫絞於餘丘陽箕英氏毛駒辛

緡闕鞏鬻夷戎狄不在其間五伯迭興總其盟會

陵夷至于戰國遂有七王韓魏趙燕齊秦楚又有宋衛中山

不斷如綫今按大庭神農也窮桑少皞也又以虞夏

商諸侯拉列有仍斟尋之類指掌圖發微圖見於

經傳者一百三十四國夷狄不在其數

康熙二十六年刊

戰國策顏觸云。古大禹之時。諸侯萬國。及湯之時。諸侯三千。當今之世。南面稱寡者。乃二十四。帝王世紀云。周克商制五等之封。凡千七百七十三國。戰國存者十餘。周之列國。唯有燕衛秦楚而已。齊及三晉。皆以篡亂。南面稱王。衛雖得存。不絕若綫。呂氏云。天下之戰國七。秦變於戎者也。楚變於蠻者也。燕變於狄者也。魏趙韓齊皆大夫竊國者也。周禮疏曰。畿外八州。州別置二百一十國。天子縣內九十三國。凡九州千七百七十三國。通畿內外。是殷周國數也。鄭語史伯曰。當成周者。南有荆蠻。中呂應鄧。陳蔡隨。唐北有衛燕翟。鮮虞。路洛泉徐蒲。西有虞虢。晉醜霍楊。魏芮。東有齊。

魯曹宋滕薛鄒莒史記諸侯表武王成康所封
百而同姓五十五地上不過百里下三十里錢氏
春秋輿地攷一百八十有四國夷狄亦與攷其
國都則中國之缺者十大夷狄之缺者十一

星土

鄭司農說星土以春秋傳曰參爲晉星商主大火國
語曰歲之所在則我有周之分野之屬是也康成謂
九州諸國中封域於星亦有分焉其書亡矣堪輿雖
有郡國所入度非古數也今其存可言者十二次之
分也星紀吳越也玄枵齊也娵訾衛也降婁魯也大
梁趙也實沈晉也鶉首秦也鶉火周也鶉尾楚也壽
星鄭也大火宋也析木燕也此分野之妖祥主用容

星彗字之氣爲象。孔氏曰：星紀在於東北。吳越實在東南。魯衛東方諸侯。遙屬戌亥之次。又三家分晉。方始有趙。而韓魏無分。趙獨有之。漢書地理志分郡國以配諸次。其地分或多或少。鶉首極多。鶉火甚狹。徒以相傳爲說。其源不可得聞於其分野。或有妖祥而爲占者。多得其效。蓋古之聖哲有以度知。非後人所能測也。陳氏曰：九州十二域。或繫之北斗。或繫之二十八宿。或繫之五星。雍主魁。冀主樞。青兗主機。揚徐主權。荆主衡。梁主開。揚豫主搖光。此繫之北斗者也。星紀吳越。立枵齊。娥訾衛。降婁魯。大梁趙。實沈晉。鶉

首秦鶉火周鶉尾楚壽星鄭大火宋析木燕此繫之
二十八宿者也歲星主齊吳熒惑主楚越鎮星主王
子太白主大臣辰星主燕趙代此繫之五星者也然
吳越南而星紀在丑齊東而亥枵在子魯東而降婁
在戌東西南北相反而相屬何耶先儒以謂古者受
封之日歲星所在之辰其國屬焉觀春秋傳凡言占
相之術以歲之所在爲福歲之所衝爲災故師曠梓
謹禪竈之徒以天道在西北而晉不害歲在越而吳
不利歲淫亥枵而宋鄭饑歲棄星紀而周楚惡歲在
亥韋而蔡禍歲及大梁而楚凶則古之言星次者未

嘗不視歲之所在也梓謹曰龍宋鄭之星也宋大辰
之虛也陳大皞之虛也鄭祝融之虛也皆火彘也衛
高陽之虛也其星爲大水以陳爲火則太皞之水爲
火母故也以衛爲水則高陽水行故也子產曰遷闕
伯於商丘主辰商人是因故辰爲商星遷實沈于大
夏主參唐人是因故參爲晉星然則十二域之所主
亦若此也易氏曰在諸侯則謂之分星在九州則謂
之星土九州星土之書亾矣今其可言者十二國之
分考之傳記裁祥所應亦有可證而不誣者昭十年
有星出於婺女鄭裨竈曰今茲歲在顓頊之墟姜氏

任氏實守其地釋者以顓頊之墟爲玄枵此玄枵爲齊之分星而青州之星土也昭三十二年吳伐越晉史墨曰越得歲而吳伐之必受其凶釋者以爲歲在星紀此星紀爲越之分星而揚州之星土也昭元年鄭子產曰成王滅唐而封大叔焉故參爲晉星實沈爲參神此實沈爲晉之分星而并州之星土也襄九年晉士弱曰陶唐氏之火正閼伯居商丘相土因之故商主大火此大火爲宋之分星而豫州之星土也昭十七年星孛及漢申須曰漢水祥也衛顓頊之墟故爲帝丘其星爲大水此嫫訾爲衛之分星而冀州

之星土也襄二十八年春無冰梓謹曰歲在星紀而
淫于玄枵蚩乘龍龍宋鄭之星此壽星爲鄭之分星
而亦豫州之星土也鄭語周史曰楚重黎之後也黎爲
高辛氏火正此鶉尾爲楚之分星而荊州之星土也
爾雅曰析木謂之津釋者謂天漢之津梁爲燕此析
木爲燕之分星而幽州之星土也以至周之鶉火秦
之鶉首趙之大梁魯之降婁無非以其州之星土而
爲其國之分星所占哉祥其應不差然亦有可疑者
武王伐殷歲在鶉火伶州鳩曰歲之所在我有周之
分野蓋指鶉火爲西周豐岐之地今乃以當洛陽之

東周何也周平王以豐岐之地賜秦襄公而其分星
乃謂之鶉首又何也如燕在北而配以東方之析木
魯在東而配以西方降婁秦居西北而鶉首次於東
南吳越居東南而星紀次於東北此皆稽之分野有
不合者賈氏以為古者受封之月歲星所在之辰恐
不其然若謂受封之辰則春秋戰國之諸侯以之占
妖祥可也後世占分野而妖祥亦應豈皆古者受封
之辰乎此堪輿之書雖足攷古而言郡國所入之度
則非古之灋理道要訣云周季上配天象有十三國
呂氏云十二次蓋戰國言星者以當時所有之國分

通雅卷一
配之唐氏云子產言封實沈于大夏主參封闕伯于
商丘主辰則辰為商丘分參為大夏分其來已久非
因封國始有分野若以封國歲星所在即為分星則
每封國自有分星不應相土因闕伯晉人因實沈矣
又漢魏諸儒辰次度各用當時曆數與歲差遷徙亦
非天象度數之正惟唐一行下觀山河兩戒上考雲
漢之終始斗杓之內外以定分星之次更以七宿之
中分四象中位自上元之首以度數紀之而著其分
野最得天象之正

四極 四荒

爾雅東至於泰遠西至於邠國說文作汎國汎西南極之水也府中切

至於濮鈇北至於祝栗謂之四極此四方極遠之國

觚竹北戶西王母日下謂之四荒觚竹者漢地理志

遼西令支有孤竹城齊語北伐山戎刺令支斬孤竹括地志孤竹殷諸侯古城在平

州盧龍縣南十二里史記正義孤竹君是殷湯正月三日丙寅封相傳至夷齊之父北戶者即

日南郡類師古曰在日之南所謂開北戶以向日者秦始皇紀南至北嚮戶輿地廣記景州北景

縣漢屬日南後為林邑所據晉九真太守灌遂討林邑於其國五月五日立八尺表曰景在表南九寸一

分故自北景以南皆開北戶以嚮日唐於驩州南境僑立景州非正北景也淮南墜形訓南方曰都廣曰

反西王母者山海西荒經西海之中流沙之濱有峴

嶠之丘有人戴勝虎齒名曰西王母穆天子傳天子賓于西王母乃

萬曆丁亥年 道學卷一 六 監生項德純刊

紀其跡于弁山名曰下者日所出處其下之國淮南天文

訓日出于暘谷浴于咸池拂于扶桑是謂晨明通典

東夷有扶桑在中國之東其土多扶桑木倭一名日

本自云國在日邊山海東荒經大荒之中有山曰大

言日月所出有大人之國有山曰合虛日月所出有

中容之國呂氏春秋禹東至搏木之地日出九津青羌之野

內東西二萬八千里南北二萬六千里水道八千里

受水者亦八千里通谷六名川六百陸注三千小水

萬數凡四極之內東西五億有九萬七千里南北亦

五億有九萬七千里極星與天俱遊而天樞不移冬

至日行遠道周行四極命曰玄明夏至日行近道乃

參于上當樞之下無晝夜白民之南建木之下日中

無影呼而無響蓋天地之中也尸子云八極之內有

君長者東西二萬八千里南北二萬六千里故曰天

左舒而起牽牛地右闕而起畢昴淮南墜形訓八極

山曰蒼門東方曰東極之山曰開明之門東南方曰

安毋之山曰陽門南方曰南極之山曰暑門西南方

曰編駒之山曰白門西方曰西極之山曰閭闔之門西

北方曰不周之山曰幽都之門北方曰北極之山曰

寒張衡靈憲云八極之維徑二億三萬二千三百里

南北則短減千里東西則廣增千里自地至天半於

八極則地之深亦如之朱文公謂爾雅四極恐未必

然邠國近在秦隴非絕遠之地也靈憲所言八極之

廣原於歷筭若有据依然非專言地之廣狹也呂氏春秋

九塞大汾冥阨荆阮方城
殺井陘令疵句注居庸

秦四十郡

晉地理志云始皇初并天下懲忒戰國削罷列侯分

天下為三十六郡內史漢三輔及弘農郡三川漢河內河河

東南陽南郡九江漢並因之鄆郡治故鄆今在湖州長興縣西南它郡所治當考

漢改為丹陽郡會稽潁川漢並因之碭郡漢梁國泗水漢改為沛郡薛郡

漢魯國東郡琅邪漢並因之齊郡漢齊國上谷漁陽右北平遼

西遼東代郡鉅鹿邯鄲上黨太原雲中漢並因之九原漢改

為五原郡鴈門上郡隴西北地漢中巴郡蜀郡漢並因之黔中

漢改為武陵郡今鼎澧辰沅黔州之地長沙漢長沙國凡三十六郡於是興

開踰江平取百越置桂林漢改為南海治番禺象郡

日漢武帝並其地合四十郡郡一守焉其

地則西至洮而北沙漠東滎西帶皆臨大海秦紀云

地東至海暨朝鮮西至臨洮羌中南至北嚮戶北據

河為塞並陰山至遼東周書作雒篇千里百縣縣有

四郡說分調制天子地方千呂氏曰春秋之時郡屬

於縣趙簡子誓衆所謂上大受縣下大夫受郡是

也戰國之時縣屬於郡秦紀惠文十年魏納上郡十

五縣是也方孝公商鞅時并小鄉為大縣縣一令尚

未有郡牧守稱及魏納上郡之後十餘年秦紀始書

三
南
卷
一
月
頁

置漢中郡或者山東諸侯先變古制而秦效之歟按
戰國策楚王以新城為主郡以此夜之郡之所治必
居形勢控扼之地郡者縣之主故謂之主郡又云三
川河東在諸郡之首者蓋所以陪輔關中地勢莫重
焉即漢所謂三河也漢分三川為河南河內與河東
統為三河史記貨殖傳曰昔唐人都河東殷人都河
內周人都河南夫三河在天下之中若鼎足王者所
更居也建國各數百千歲胡氏曰郡縣天下可以持
爭平不可以反變故封建諸侯可以持承平可以反
變故孫氏曰郡縣之制盡刻根著之舊以為空虛之

天下匹夫亡秦五胡覆晉盜賊篡唐此非有秦人耶
郡蓋楚漢之際所置
漢高祖紀有東陽郡吳郡潁郡灌嬰傳有豫章郡皆非秦

通鑑地理通釋卷第一

自秦八里

通鑑地理通釋卷第二

浚儀王應麟伯厚甫

歷代州域總叙中

漢九國

史記漢興以來諸侯年表太史公曰漢興序二等昭

曰漢封功臣大者王小者侯也高祖末年非劉氏而王者若無功上

所不置而侯者天下共誅之高祖子弟同姓為王者

九國徐廣曰齊楚荆淮南燕趙梁代淮陽索隱曰徐氏九國不數吳蓋以荆絕乃封吳故也仍以淮

陽為九今按下文所列有十國唯獨長沙異姓而功臣

侯者百餘人自馮門太原以東至遼陽顏氏曰遼水

嘉靖丁巳午 監生韓斗刊

遼東遼為燕代國常山以南太行左轉度河濟阿甄

阿甄今鄆州東阿縣正義云甄以東薄海為齊趙國自

陳以西陽國陳縣南至九疑括地志九疑山在永州

道縣南營東帶江淮穀泗晉灼曰水經云泗水在魯

為下流薄會稽為梁楚吳淮南長沙國皆外接於胡

越而內地北距山以東盡諸侯地大者或五六郡連

城數十置百官宮觀偕於天子漢書諸侯王表云自

燕代常山以南太行左轉度河濟漸于海為齊趙穀

西以往奄有龜蒙為梁楚東帶江湖薄會稽為荆吳

北界淮瀕略廬衡為淮南波漢之陽曰九疑為長沙

也三垂謂漢獨有三河東郡潁川南陽自江陵以西

至蜀北自雲中至隴西與內史凡十五郡而公主列
侯頗食邑其中何者天下初定骨肉同姓少故廣疆
庶孽以鎮撫四海用承衛天子也漢定百年之間親
屬益疎諸侯或驕奢怵邪臣計謀為淫亂大者叛逆
小者不軌于法以危其命殞身亡國天子觀於上古
然后加惠使諸侯得推恩分子弟國邑故齊分為七
徐廣曰城陽濟北濟南菑趙分為六徐廣曰河間廣
川膠西膠東是分為七淮南分三徐廣曰常山清
河梁分為五徐廣曰濟陰濟淮南分三徐廣曰廬及
天子支庶子為王王子支庶為諸侯百有餘焉吳楚
時前後諸侯或以適削地是以燕代無北邊郡吳淮

南長沙無南邊郡如淳曰長沙之南更置郡燕代以

器械三國皆失之也齊趙梁楚支郡名山陂海或納於漢諸侯

精微大國不過十餘城小侯不過數十里上足以奉

貢職下足以供養祭祀以蕃輔京師而漢郡八九十

形錯諸侯間犬牙相臨乘其阨塞地利強本幹弱枝

葉之勢也楚都彭城徐州彭城縣齊都臨菑青州臨菑縣荆都

吳平江府吳縣高十二年更為吳郡國志輿地廣記吳王

縣按地理志廣陵縣江都王非淮南都壽春安豐軍

燕都薊幽州薊縣趙都邯鄲磁州邯鄲縣梁都睢陽應天府淮

陽都陳陳州宛丘縣代都中都汾州平遙縣西原府太

如淳曰似

者於中都 呂氏曰史記書分趙山北立子恆以

為代王子長少游四方識輿地之大勢故其書法簡

明得主名山川之餘意如此類非一漢書多改之蓋

班氏所未達也

如漢二年書置隴西北地上郡渭南河上中地郡關外置河南郡六年書

封韓信為淮陰侯分其地為二國將軍劉賈數有功以為荆王王淮東弟交為楚王王淮西則函谷之內

外居淮水之東秦漢之間稱山北山南山東山西者皆

指太行太行在漢屬河內郡壑王山陽之間在今屬

懷州在天下之中故指此山以表地勢焉

胡氏曰高帝懲秦孤

立大封同姓然割地無制建侯無法封三庶孽分天下半苟簡一時流患於後

郡國更置

八

地理志漢興以秦郡太大稍復開置又立諸侯王國
武帝開廣三邊故自高祖增二十六文景各六武帝
二十八昭帝一訖於孝平凡郡國一百三縣邑千三
百一十四道三十二侯國二百四十一地東西九千
三百二里南北萬三千三百六十八里晉志漢分內
史爲三部更置郡國二十有三桂陽江夏豫章河內
魏郡東海楚國平原梁國定襄泰山汝南淮陽千乘
東萊燕國清河信都常山中山渤海廣漢涿郡合二
十三三內史者河上渭南中地武帝改以爲京兆馮
翊扶風是爲三輔文增厥九廣平城陽淄川濟南膠

東河間廬江衡山武帝改衡山曰六安景加其四濟
北濟陰山陽北海宣帝改濟北曰東平武帝開越攘
胡初置十七南海蒼梧鬱林合浦交阯九真日南珠
崖儋耳九郡平西南夷置牂柯越巂沈黎汶山犍爲
益州六郡西置武都郡又分立零陵郡合十七郡拓
土分疆又增十四弘農臨淮西河朔方酒泉陳留安
定天水玄菟樂浪廣陵敦煌武威張掖昭帝少事又
增其一金城至平帝元始二年凡新置郡國七十有
一與秦四十合一百一十有一今按晉志云郡國一
百十一而漢志止一百三以秦郡攷之南海因舊名

桂林更名鬱林象郡更名日南閩中元封元年虛其地則四十郡省者一因改者二漢初未定兩粵止有三十六郡通典謂新置六十三與秦四十合百三亦未攷此也以武帝初置郡攷之天漢四年并沈黎于蜀始元五年罷儋耳臨屯真番地節三年并汶山于蜀初元三年罷珠厓凡省六郡而臨屯真番元封三年開朝鮮所置者晉志不載則并省者四除八郡正合漢志一百三之數林氏云漢山川不出禹貢分域而里數倍加者古今尺步不同吳氏云南北萬三千餘里舉朔方日南而言按史記平準書漢連兵三歲

誅羗滅南越番禺以西至蜀南者置初郡十七卽晉

志所謂初置者南海至儋耳九郡皆南越地武都至

汝山五郡皆西南夷地夜郎爲犍爲滇爲益州

今化外姚

州并零陵爲十七郡酒泉武威張掖敦煌本匈奴昆

邪休屠地是爲河西四郡并金城謂之河西五郡又

定朝鮮爲四郡樂浪玄菟在遼東之東通典云今爲

東夷之地臨屯治東廳真番治雪見于茂陵書又擊

匈奴取河南地築朔方亦初郡也元朔置蒼海三年

而罷元始置西海中興而廢故志不著隴西天水安

定北地上郡西河是爲六郡名將多出焉北地朔方

五原雲中定襄鴈門代郡西河是爲緣邊八郡除北
地西河而益右北平上谷漁陽是爲緣邊九郡存其
國號而屬漢者曰屬國置都尉安定上郡天水五原
張掖是爲五屬國其後金城西河北地亦置焉按武
帝初置無象郡茂陵書云昭紀元鳳五年罷象郡分
屬鬱林牂柯而史不書建置之始蓋闕文也賈捐之
建議棄珠厓曰制南海以爲人郡是時儋耳已并屬
珠厓矣三方之開皆自好事之臣西南夷發於唐蒙
司馬相如兩粵起嚴助朱買臣朝鮮由涉何昔者堯
禹之德訖于四海而地不盡四海故地不足而德有

餘若漢則廣地而已夫地又廣於秦矣凡中國為內郡

宣元成細流謂內郡也又按馬援說揚廣曰前按輿地圖見天下郡國百

有六所楊雄曰大漢左東海右渠搜前番禺後陶塗

東南一尉西北一候注會稽東部都尉

十三部

百官表元封五年初置部刺史掌奉詔條察州秩大

百石負十三人漢十三部關中三河何種以察司

所統亦有刺前後漢地理志武帝開地斥境南置交

趾顏氏曰胡廣記云漢既定南越之地置北置朔方

之州胡廣曰漢分雍州置朔方刺史

王德二年蒲川通譯卷一

諸郡別置刺史察之兼徐梁幽并夏周之制復有徐

是涼州有兩刺史也梁改雍曰涼改梁曰益凡十

三部兼夏周之制為十一州新置司隸校尉部按前

司隸校尉武帝征和四年初置察三輔三河京兆扶

風馮翊弘農河內河南河東七郡昭帝始元元年有

河東屬司隸部豫州刺史部潁川汝南沛郡梁魯國凡

三部二國冀州刺史部魏鉅鹿常山清河郡趙平干

宣帝改真定中山信都河間國凡四郡六國兖州刺

史部陳留山陽濟陰泰山東郡城陽淮陽東平國凡

五郡三國徐州刺史部琅邪東海臨淮郡泗水廣陵

楚國凡三郡三國青州刺史部平原千乘濟南北海
東萊齊郡菑川膠東高密國凡六郡三國荊州刺史
部南陽江夏桂陽武陵零陵南郡長沙國凡六郡一
國揚州刺史部廬江九江會稽丹陽豫章郡六安國
凡五郡一國益州刺史部漢中廣漢武都犍爲越嶲
益州梓潼蜀郡凡八郡涼州刺史部隴西金城昭帝置
天水武威張掖酒泉敦煌安定北地凡九郡并州刺
史部太原上黨西河朔方五原雲中定襄鴈門上郡
凡九郡幽州刺史部勃海上谷漁陽右北平遼西遼
東玄菟樂浪涿代郡廣陽國凡十郡一國交州刺史

部南海鬱林蒼梧交趾合浦九真日南七郡後漢與

前異者司隸治河南朔方屬并州建武十一年省朔方交趾曰

交州建安二年改顏氏云武帝初置朔方郡今夏州朔方縣北別

令刺史監之不在十三州之限通典云十三部不常

所治後漢司隸治河南今河南府豫治譙今亳州兗治昌

邑今濟州金鄉縣徐治郟今淮陽軍下邳縣清治臨淄今青州涼治隴

隴今秦州隴城縣并治晉陽今太原府太原縣省入榆次冀治部今趙州高邑縣幽

治薊今幽州薊縣揚治歷陽今和州縣荆治漢壽今常德府武陵縣益治

維今漢州縣交治廣信今梧州蒼梧縣刺史更名牧者凡四改綏和

元年元壽二年建武元年中平五年光武都洛陽關中復置雍州後罷

興平元年分涼州河西四郡為雍州是為十四州建
安十八年并十四州復為九州獻帝紀所謂復禹貢
九州者省幽并以為冀省司隸涼以為雍省交州以
入荆益於是充豫青徐荆揚冀益雍禹貢無益有梁其地一也
是時曹操自立為魏公欲廣冀州而益其地非復古
也荀或傳云操領冀州牧或說操宜復古置九州則冀州所制者廣大

後漢郡國

郡國志世祖中興惟官多役煩乃命并合省郡國十
縣邑道侯國四百餘所紀云建武六年詔省減吏員并合郡縣於是并省四百餘
縣至明帝置郡一章帝置郡國二和帝置三安帝又

命屬國別領比郡者六廣漢蜀郡犍為張掖居延遼

東又所省縣漸復分置至于孝順凡郡國百五縣邑

道侯國千一百八十永興初有鄉三千六百八十二亭萬二千四百二十郡國

比前志增二縣邑道侯國比前志少三百九十七晉

志光武在彫耗之辰郡國蕭條并省者八城陽淄川

高密膠東六安真定泗水廣陽按光武紀建武十二年并省西京國麇陽

當作廣平今按郡國志云省郡國十此云并省者八蓋後

復河間廣陽明帝置一永昌章帝置二任城吳郡和

順改作其名有九和置濟北廣陽順改淮陽為陳改

楚為彭城濟東為東平臨淮為下邳千乘為樂安信

都為安平天水為漢陽郡國百有八焉

省前漢八分置五改舊名七因

舊九十六 柘靈頗增於前復置六郡柘高陽高涼博陵靈南

安鄱陽廬陵今按靈又置一汝山

以汝江蠡陵廣柔三縣置

獻分

置二永寧

分巴郡置

西海通典東樂浪西燉煌南日南北

鴈門西南永昌四履之盛亦如前漢

今按典平元年孫策分立廬陵

建安十五年孫權分立鄱陽乃獻帝時十道志云靈帝末揚州刺史劉遵上書分立二郡

文中子

見牧守屢易曰堯舜三載考績仲尼三年有成今旬

月而易吾不知其道三代之興邦家有社稷焉兩漢

之盛牧守有子孫焉不如是之亟也無定主而責之

以忠無定民而責之以化雖曰能之末由也已迂齋

樓氏曰聖王不作建國封侯之法一壞於秦而不可復破萬國而爲郡縣罷五等而立守宰內樂其下之易制而吏不得以私其民國無定民民無固志不知夫無定民於下是無定民於國也無固志於上是無固志於君也謫戍倡亂天下瓦解郡殺其守縣劫其令三十六郡鞠爲盜淵南陽之齧三川之由泗川之壯或降或死平時無尺寸之柄文法吏議不少貸宐其拱手無策也雖然郡縣初置守宰猶能有所爲也武職甲卒屬於都尉虎符調發召而復來歲及立秋都肄講武則兵權不盡屬於公上也鹽鐵筦權之利

未與放散官錢捐以予民則利權不盡歸於公上也
直指未遣使司隸未置員刺史未臨察則事權不盡
聽於公上也兵皆郡守之兵則選練易以精財皆郡
守之財則歛散易以專事皆郡守之事則施置易以
便不滿歲不爲真不數年不一易彼自丞尉以上貶
退稱進出於其手民習於教條不敢有慢易之心氣
勢聯屬運掉不難有尊重難危之勢而無朝暮不保
之憂視其郡如視其家待其民如待其子弟是以守
馮翊者得以奏令而換縣守渤海者得以單車而平
賊守南陽者得以誅宛令之輕已盜賊竊發應時捕

討誅其渠師支黨解散則無潰決之虞羣偷縱橫披籍輒在把其宿負痛斷窟穴則無陰伏之患惟不有以奪其權故更得以行其志惟吏得以私其民故亦得以不負於其國中興以來併武職於太守罷都試於郡國守相之權非曩日比矣然桂陽任衛颺者十年山陽任秦彭者六年循吏之效表表爲中興第一雲中守以兵敗而功曹與之俱斃漁陽守以戰沒而主簿自投以赴雖安順以後分守陵夷而吏民愛戴猶不少減范文正公曰周漢李唐雖有禍亂而能中興者人未厭德作亂者不能革天下之心是邦本之

固也六朝五代之亂鮮克中興者人厭其德弔民者
有以革天下之心是邦本之不固也屏山劉氏曰賦
歛急則守令才賦歛寬則守令賢守令賢則民寬守
令才則民擾由上使之也莽能移漢之社稷而不能
移漢之民心

漢郡國鹽鐵官

通鑑武帝元狩四年冬置鹽鐵官昭帝始元六年春
詔問賢良文學民所疾苦皆對願罷鹽鐵官於是鹽
鐵之議起焉元帝初元五年六月罷鹽鐵官永光三
年冬以用度不足復鹽鐵官

鹽鐵論文學曰文帝時無鹽鐵之利而民富今有之而百姓困丞相請且罷關內鐵官今攷官自煮

鹽自齊燕始管子有渠展之鹽伐菹薪煮水為鹽又曰燕有遼東之煮其後齊

析望守之左傳鐵有官自秦始管子計人用鐵稅之而已官未嘗治鑄太

史公自序司馬目為素王鐵官至漢鹽鐵之利二十倍於古大司

農有幹官鐵市兩長丞有郡國鹽官鐵官續志注出鹽多

者置鹽官主鹽稅出鐵多者置鐵官主鼓鑄後漢皆屬郡縣建初中章

帝議復鹽鐵官大司農鄭眾諫以為不可詔數切

責眾執之不移帝不從和帝詔曰先帝遺戒郡國

罷鹽鐵之禁縱民煮鑄入稅縣官如故事

鹽官

地理志河東郡安邑縣 太原郡 又晉陽縣

南郡巫縣 鉅鹿郡堂陽縣 勃海郡章武縣

千乘郡 北海郡都昌縣 又壽光縣 東萊郡

曲成縣 又東牟縣 又愷縣 又昌陽縣 又

當利縣 琅邪郡海曲縣 又計斤縣 又長廣

縣 會稽郡海鹽縣 蜀郡臨邛縣 犍為郡南

安縣 巴郡胸忍縣 隴西郡 安定郡三水縣

北地郡弋居縣 上郡獨樂縣 又龜茲縣

西河郡富昌縣 朔方郡沃墜縣 五原郡成宜

縣 雁門郡樓煩縣 漁陽郡泉州縣 遼西郡

海陽縣 王尊補遼西鹽官長 遼東郡平郭縣 又南海郡番

禺縣 蒼梧郡高要縣 摠三十有六 又雁門郡

澤在東北有長丞 漢鹽官在東南者不多有會稽纔一廣陵無之遺

利猶在民也唐天下有鹽之縣一百五江南十二

淮南二 郡縣志楚州鹽城縣本漢鹽漬縣州長百

六十里在海中州上有鹽亭百二十三所

每歲煮鹽四十五萬石揚州海陵縣鹽監歲煮鹽

六十萬石而楚州鹽城浙西嘉興臨平兩監所出

次焉計每歲天下鹽利今以紹興末年攷之兩浙
有場四十二淮東有場二十視古益密矣

鐵官

地理志京兆鄭縣 馮翊夏陽縣 扶風雍縣

又漆縣 弘農郡宜陽縣 河東郡安邑縣 又

皮氏縣 又平陽縣 又絳縣 太原郡大陵縣

河內郡隆慮縣 河南郡 潁川郡陽城縣

汝南郡西平縣 南陽郡宛縣 廬江郡皖縣

山陽郡 沛郡沛縣 魏郡武安縣 常山郡都

鄉縣 涿郡 後漢永元十五年復置涿郡故安鐵官 千乘郡 又

千乘縣 濟南郡東平陵縣 又歷城縣 泰山

郡羸縣 齊郡臨淄縣 東萊郡東牟縣 琅邪

郡 東海郡下邳縣 又朐縣 臨淮郡鹽漬縣

又堂邑縣 桂陽郡 續志末陽有鐵官建武中太守衛颯上起鐵官

漢中郡沔陽縣 蜀郡臨邛縣 犍為郡武陽縣

又南安縣 隴西郡 漁陽郡漁陽縣 右北

平郡夕陽縣 遼東郡平郭縣 中山國北平縣

膠東國郁秩縣 城陽國莒縣 東平國 魯

國魯縣 楚國彭城縣 廣陵國 揔四十有

九

管子曰出鐵之山三千六百九漢關內有鐵官蓋

始元罷之而復置張湯傳趙國以冶鑄為業王數

訟鐵官事

志所載趙國無鐵官

征和二年涿郡鐵飛河平二

年沛國冶鐵飛則菑異動焉陽朔三年潁川鐵官

徒盜庫兵永始三年山陽鐵官徒盜庫兵則姦宄

生焉唐天下有鐵之縣一百三宋鐵冶七十七皆

多於漢蘇文忠公謂徐州東北七十餘里即利國

監自古為鐵官凡三十六冶冶戶皆大家常為盜

賊所窺

即漢彭城鐵官也

紹興末鐵坑興者三百七十七

乾道中鐵歲收二百十六萬二千一百四十四斤

鹽鐵使始於唐乾元元年第五琦

輿地圖

漢有司空郡國輿地圖

周禮大司徒職方氏注

武帝案以封三

子光武披以定天下明章以等諸侯之租陳氏曰戰

國策士每言闕周室則按圖籍以爭天下蕭何入秦

獨收圖籍自漢守之司空竄以泄布如江都淮南諸

王皆按輿地謀變而王鳳亦云太史公書有地形阨

塞不且在諸侯王然則古圖志雖司徒掌之而藏在

司馬祕不得見先王所以弭姦消患者其慮遠哉王

氏曰先王建國所以周知九州封域與其人民之數

者詔地事則有圖詔觀事則有志比生齒則有籍指

掌圖序曰昔蘇秦按此以說諸侯而知六國有十倍

勢蕭何藏以相高祖而知一八下阨塞之所在
朱為象馬揆以度隗囂建樓以重德裕以服南詔
疆梁於河北而險要詳於吉用先零跋扈於隴西
而地形上於克國規制華夷靡不憑此元和郡縣圖
志序曰秦皇并六國罷候置守濞武討百蠻窮兵黷
武雖裂為郡縣遠逼毅周而教令所行威懷所服亦
不越於三代

三國州郡

通典云魏據中原有州十二司諫荆通典無豫宛言

徐涼秦治上冀幽并揚雍有郡國六十八蜀全

已蜀道益都治梁治漢中二州有郡二十二吳北據

江南盡海晉交治能編廣治番禺荆治南郢治夏

揚治建業五州有郡四十三晉志魏武置十二

方西平樂度武南襄陽所省七雲中定襄

文帝置七朝歌陽平魏明及少帝增二庸上

帝平得漢郡者五十四焉蜀先主置郡九梓潼江

山漢嘉陵後主增二雲南得漢郡者十有一焉吳

大帝置郡五臨賀武昌少帝吳大帝各四臨海

吳郡京景天門建歸命侯置十二安始興

吳興陽宜都得漢郡者十有八焉魏以司隸之三

吳興陽宜都

弘農冀之平陽爲司州分雍州河西爲涼州隴右爲秦州分遼東昌黎玄菟帶方樂浪爲平州後合爲幽州揚荆二州魏吳竝立魏揚治壽春荆治襄陽吳分南海蒼梧鬱林爲廣州交阯日南九真合浦爲交州呂岱傳表分海南三郡爲交州海東四郡爲廣州蜀以建寧太守遙領交州建寧漢益州永昌今姚州魏明帝詔郡縣條爲劇中平宋志吳得州蜀得益州魏民猶得九焉

晉十九州

地理志晉武帝太康元年平孫氏增置郡國二十三
滎陽上洛頓丘臨淮東莞襄城汝陰長廣廣寧昌黎

新野隨郡陰平義陽毗陵宣城南康晉安寧浦始平

略陽樂平南平省司隸置司州別立梁秦寧平四州

仍吳之廣州凡十九州司治洛陽兗治廩丘今濮州雷澤縣

豫治項今陳州項城冀治房子今趙州臨城縣并治晉陽青治臨

淄徐治彭城今徐州荆初治襄陽後治江陵揚初治壽

春後治建業涼治武威今涼州雍治京兆秦治上邽今秦州

州益治成都梁治南鄭今興元府寧治雲南今姚州幽治涿

今幽州范陽縣平治昌黎漢遼西交黎唐安東府交治龍編唐安南府廣治

番禺今廣州惠帝分揚之豫章至晉安七郡荆之桂陽

武昌安成三郡立江州宋州郡志云太康元年天下統凡十六州後又分涼雍

為秦分荆陽為江分益為郡國一百七十三仍吳所
寧分幽為平而為二十矣郡國一百七十三置二十
五仍蜀新置十一仍魏所置二永嘉南度境宇殊狹
十一仍漢舊九十三置二十三永嘉南度境宇殊狹
九州之地有其二焉晉以魏公族微弱委兵諸王遞
王亮楚王瑋趙王倫齊王冏長沙王
又成都王穎河間王顥東海王越

宋二十二州

通典云自東晉成帝時中原流民多南渡遂於江漢
淮之間僑立州郡以撫其民中間併有廢置離合非
一不能詳制焉今大較以孝武大明八年為正凡二

十二州揚治建業南徐治京口今鎮江丹徒縣徐治彭城南

兖治廣陵兖治瑕今襲慶府瑕丘縣南豫治歷陽豫治汝南

今蔡州汝陽縣江治尋陽今江州青治臨淄初治歷城今濟南府縣後治廣固今

青州益都縣後移治冀治歷城司治義陽今信陽軍荆治南郡今江陵府

郢治江夏湘治臨湘今潭州雍治襄陽梁治南鄭秦亦

治南鄭益治成都寧治建寧今姚州廣治南海今廣州交

治龍編越治臨鄣今廉州郡凡二百三十八縣千一百

七十九宋志江左又分荆為湘或離或合凡有揚荆

湘江梁益交廣其徐州則有過半豫州唯得譙城而

已宋分揚為南徐徐為南兗揚州之江西悉屬豫州

分荆為雍分荆湘為郢分荆為司分廣為越分青為

冀分梁為南北秦太宗初青冀徐兗及豫州淮西不

守於鍾離州今隰置徐州淮陰於楚為北充而青冀治

贛榆東海海州江左大鎮莫過荆揚故謂荆州為陝西

二州戶口居江南之半揚州為根本委荆州以關外

李忠定曰六朝能保守江左以強兵巨鎮盡在淮南

荆襄間杜佑曰宋孝武改更舊制國吏不得稱臣自茲以還建康日削

齊二十三州

通典齊青治胸山今隰冀治漣口泗水豫治壽春

此交治淮陰北徐治鍾離又置巴治巴東今夔其餘

國宋代州二十有三郡三百九十五縣千四百七十

四南齊志三峻險隘山巒冠賊宋立三巴校尉以鎮

之後省建元二年分荊州已東建平益州巴郡為州
立刺史

梁陳州郡

隋地理志梁天監十年有州二十三郡三百五十五縣
千二十二其後開闢越克淮浦平徑洞破牂柯又以
舊州析置大同中州百有七陳氏土宇彌蹙西之蜀
漢北失淮肥以長江為境有州四十二地轉狹而州
益多郡百有九縣四百三十八司馬公曰陳國不能
居天下五分之一文惠子叔恬曰敢問元經書陳之
而具五國何也子曰江東中國之舊也衣冠禮樂之

江東中國之舊也衣冠禮樂之

所就也永嘉之後江東貴焉而卒不貴無人也齊梁
陳於是乎不與其爲國也及其亡也君子猶懷之書
五國並時而亡蓋傷先王之道盡墜故君子大其言
極其敗於是乎掃地而求更新也

後魏州郡

地形志州百十有一郡五百十九縣千三百五十二
劉氏曰拓跋氏乘後燕之衰蠶食并冀三十餘年而
中國略定遷洛之後稍用夏禮母后亂於內羣盜撓
其外禍始於六鎮釁成於爾朱國分爲二而亡矣通典

六鎮在朔州雲州單于府界正始中更立三戌正光
五年改鎮爲州郡縣志沃野故城在天德軍城北六

十里即後魏六鎮從西第一鎮也自北出石門障即
 光祿城城東北有懷朔古城朔州即後魏六鎮從西
 第二鎮也武川城今名里城後魏六鎮從西第三鎮
 在軍北二百里北史太和十八年八月幸懷朔武川
 撫冥柔玄等四鎮薄骨律鎮靈州溫池縣懷荒祭
 夷鎮蔚州河南四鎮碯碯滑臺洛陽虎牢明帝
 以沃野懷朔薄骨律武川撫冥
 柔玄懷荒禦夷諸鎮並改為州

北齊後周州郡

隋志通典自東西魏之後天下三分梁陳有江東高

氏據河北有州九十七郡百六十縣三百六十五後周

書周平齊得州五十郡一宇文有關西南清江漢南

百六十一縣三百八十兼巴蜀及平齊有州二百一十一郡五百八縣千一百

二十四晉宋之後至周割據分裂州部乃倍兩漢

隋州郡

隋志通典開皇三年以官繁民弊廢五百餘郡以州
治民職同郡守無復刺舉之任九年滅陳天下始合
爲一析置州縣煬帝平林邑置蕩農沖三州旣而併
省諸州改州爲郡依漢制置太守以司隸刺史相統
治定吐谷渾置鄯善且末西海河源四郡凡郡一百
九十縣一千二百五十五東西九千三百里南北一
萬四千八百十五里東南皆至海西至且末沙州以東唐地
理志渡且末河五百里至播仙鎮故且末城也北至五原州豐何氏曰天下久
分裂而難合也而秦隋合之然皆止於二世自古亡

國無速於此天下之業既定而猶虛用其衆也以不
仁得
之以不仁守之必
及其世秦隋是也

通鑑地理通釋二卷

通鑑地理通釋卷第三

浚儀王應麟伯厚甫

歷代州域總敘下

唐十道

地理志唐興高祖改郡為州太守為刺史

武德元年

又置

都督府以治之

七年

然天下初定權置州郡頗多太宗

元年始命併省又因山川形便分天下為十道至十

三年定簿凡州府三百五十八縣一千五百五十一

明年平高昌又增州二縣六其後北殄突厥頡利西

平高昌北踰陰山西抵大漠其地東極海西至焉耆

南盡林州南境北接薛延陀界東西九千五百一十

一里南北一萬六千九百一十八里

會要并天下三百六十四州自後

併省迄于天寶凡三百三十一州存焉

六典云一曰關內道古雍州之

境今京兆華同岐邠隴涇寧坊鄜丹延慶鹽原會靈

夏豐勝綏銀凡二十有二州焉東拒河西抵隴坂南

據終南之山北邊沙漠其名山有太白九嶷吳山岐

山梁山秦華之嶽在焉其大川有涇渭灞澹厥賦絹

綿布麻厥貢岱赭鹽山角弓龍鬚席菴蓉野馬皮麝

香遠夷則控北蕃突厥之朝貢焉二曰河南道古豫

兗青徐四州之境今河南府陝汝鄭汴蔡許豫潁陳

毫宋曹滑濮鄆濟齊淄徐兗泗沂青萊登密海凡二
十有八州焉東盡于海西距函谷南瀕于淮北薄乎
河名山則有三嶠少室砥柱蒙山嶧山嵩岱二嶽在
焉大川則有伊洛汝潁沂泗之水淮濟之瀆厥賦絹
繩綿布厥貢紬繩文綾絲葛水葱蕉心蓆資石之器
遠夷則控海東新羅日本之貢獻焉三曰河東道古
冀州之境今太原潞澤晉絳蒲號汾慈隰石沁儀嵐
忻代朔蔚雲凡十有九州焉東距常山西據河南抵
首陽太行北邊匈奴其名山則有雷首介山霍山崞
當作
崞山其大川有汾晉及丹沁之水厥賦布繡厥貢

趙扇龍鬚席墨蠟石英麝香漆人蔘四曰河北道古
幽冀二州之境今懷衛相洛邢趙恆定易幽莫瀛涿
冀貝魏博德滄棣媯檀營平安東凡二十有五州焉
東並於海南迫于河西距太行常山北通渝關薊門
其名山有林慮白鹿封龍井陘碣石之山常嶽在焉
其大川有漳淇呼沱之水厥賦絹綿及絲厥貢羅綾
平紬絲布綿紬鳳翮葦席墨遠夷則控契丹奚靺鞨
室韋之貢獻焉五曰山南道古荆梁二州之境今荆
襄鄧商復郢隨唐峽歸均房金夔萬忠梁洋集通開
壁巴蓬渠涪渝合鳳興利閬果凡三十有三州焉東

接荆楚西抵隴蜀南控大江北據商華之山其名山
有蟠冢熊耳巫峽銅梁荆山峴山大川則有巴漢沮
洧之水厥賦絹布綿厥貢金漆密蠟蠟燭鋼鐵芒消
麝香布交梭白縠細紵綾葛綵綸蘭干六曰隴右道
古雍梁二州之境今秦渭成武洮岷疊宕河蘭鄯廓
涼甘肅瓜沙伊西北庭安西凡二十有一州焉東接
秦州西逾流沙南連蜀及吐蕃北界朔漠其名山有
秦嶺隴坻西傾朱圉積石合黎崆峒三危鳥鼠同穴
其大川則有洮水弱水羗水河瀆及休屠之澤在焉
厥賦布麻厥貢麩金礪石碁石蜜蠟蠟燭毛毳麝香

白氎及鳥獸之角羽毛皮革遠夷則控西域胡戎之
貢獻焉七曰淮南道古揚州之境今揚楚和滁濠壽
廬舒蘄黃沔安申光凡十有四州焉東臨海西抵漢
南據江北距淮其名山有八公瀟大別霍山羅山塗
山其大川有淝肥之水巢湖在焉厥賦絕絹綿布厥
貢交梭紵絺孔雀熟絲布青銅鏡八曰江南道古揚
州之南境今潤常蘇湖杭歙睦衢越婺台溫明括建
福泉汀盲饒撫虔洪吉郴袁江鄂岳潭衡永道邵澧
朗辰飾志未見錦施南溪思黔費業巫夷播溱珍凡五
十有一州焉東臨海西抵蜀南極嶺北帶江其名山

有茅山蔣山天日會稽四明天台括蒼縉雲金華大
庾武夷廬山而衡岳在焉其大川有浙江湘贛沅澧
之水洞庭彭蠡太湖之澤厥賦麻紵厥貢紗編綾綸
蕉葛練麩金犀角鮫魚藤紙朱砂水銀零陵香遠夷
則控五溪之蠻九曰劍南道古梁州之境今益蜀彭
漢綿劍梓遂普資簡陵邛眉雅嘉榮瀘戎黎茂龍扶
文當松靜柘翼悉維雋姚凡三十有三州焉東連犇
犸西界吐蕃南接羣蠻北通劍閣其名山有峨眉青
城鶴鳴岷山其大川有涪雒及西漢之水江瀆在焉
厥賦絹綿葛紵厥貢麩金羅綾綿紬交梭彌牟布絲

葛麝香羚羊羴牛角尾遠夷則控西河羣蠻之貢獻
焉十曰嶺南道古揚州之南境今廣循潮漳韶連端
康岡恩高春封辯瀧新潘雷羅儋崖瓊振桂昭富梧
賀龔象柳宐融古巖容藤義竇禺白廉繡黨牢巖鬱
林平琴邕賓貴橫欽潯瀼籠田武環澄安南驩愛陸
峰湯萇福祿龐凡七十州焉東南際海西極羣蠻北
據五嶺其名山有黃嶺及鬱水之靈洲焉其大川有
桂水鬱水厥賦蕉紵落麻厥貢金銀沈香甲香水焉
翡翠孔雀象牙犀角龜殼鼉鼈綵藤竹布其遠夷則
控百越及林邑扶南之貢獻焉凡天下之州府三百

一十有五而羈縻之州蓋八百焉

天寶二載以州為郡乾元元年復以

郡為州十道山川攷在後地理志羈縻府州八百五十六

一十四都督

百官志景雲二年置都督二十四人察刺史以下善

惡揚益并荆四州為大都督汴兗魏冀蒲綿秦洪潤

越十州為中都督皆正三品齊鄜涇襄安潭遂通梁

夔十州為下都督從三品當時以為權重難制罷之

唯四大都督府如故置十道按察使道各一人通典

太極初并益荆揚為四大都督府開元十七年加潞

州為五焉其餘都督定為上中下等

上都督府五中都督府十三下

都督府 十六 六典路揚益荆幽為大都督府涼秦靈延代

兗梁安越洪潭桂廣戎福為中都督府夏原慶豐勝

營松洮鄯西雅瀘茂雋姚夔黔辰容邕為下都督府

五代會要按十道圖大都督府八靈陝幽揚潞魏鎮徐

十五道

通典開元二十一年分為十五道置採訪使以檢察

非法京畿治西京城內今京兆都畿治東都今河南關內多以京官遙領河南

治汴州河東治蒲州河北治魏州隴右治鄯州山南東治襄州山

南西治興元劍南治成都淮南治揚州江南東治蘇州江南西

治洪州黔中治黔州嶺南治廣州地理志開元二十一年又

因十道分山南江南為東西道增置黔中道及京畿都

畿置十五採訪使檢察如漢刺史之職天寶蓋起中國

用兵而河西隴右不守陷于吐蕃至大中咸通始復

隴右然舉唐之盛時開元天寶之際東至安東西至

安西南至日南北至單于府蓋南北如漢之盛東不

及而西過之通典漢之東境玄菟樂浪今為東夷之地漢之西境燉煌今伊吾交河北庭安

西則漢為戎胡所據開元二十八年戶部帳凡郡府三百二十

八縣千五百七十三舊紀天寶元年郡府三百六十二縣一千五百二十八通鑑從

唐曆會要統紀天寶元年州三百三十一通典開元中定天下州府自京

都京兆河南太及都督都護府之外以近畿之州為

康熙二十六年刊

四輔

同華岐蒲四州

其餘為六雄

鄭陝汴絳懷魏六州

十望

宋亳滑許汝晉洛虢

衛相十州六典有汾無亳

十緊

後入緊者多不復具列

及上中下之差六典

安東平營檀媯蔚朔忻安北單于代嵐雲勝豐鹽靈

會涼肅甘瓜沙伊西北庭安西河蘭鄯廓疊洮岷扶

柘維靜悉翼松當戎茂雋姚播黔驩容為邊州凡三

都之縣在城內曰京縣城外曰畿縣又望縣有八十

五焉其餘為上中下縣

通典赤六畿八十二望七十二入緊百一十一上四百四十六

中二百九十六下五百五十四

凡天下之上鎮二十六等凡一千五百七十三縣

中鎮九十下鎮一百三十五上戌十一中戌八十六

下戌二百三十五

會要軍四十府六百三十四鎮四百五十戌五百九十守捉三十

十節度

通鑑天寶元年時天下聲教所被之州三百三十一
羈縻之州八百置十節度經略使以備邊安西節度
撫寧西域治龜茲城兵二萬二千北庭節度防制突
騎施堅昆治北庭都護府兵二萬人河西節度斷隔
吐蕃突厥治涼州兵七萬三千人朔方節度捍禦突
厥治靈州兵六萬四千七百人河東節度與朔方倚
角以禦突厥治太原府兵五萬五千人范陽節度臨
制奚契丹治幽州兵九萬一千四百人平盧節度鎮
撫室韋靺鞨治營州兵三萬七千五百人隴右節度

備禦吐蕃治鄯州兵七萬五千人劔南節度西抗吐
蕃南撫蠻獠治益州兵二萬九百人嶺南五府經略
綏靜夷獠治廣州兵萬五千四百人此外又有長樂
經略福州領之兵千五百人東萊守捉萊州領之東
牟守捉登州領之兵各千人凡鎮兵四十九萬人馬
八萬餘匹通典節度使十經略守捉使三邊方有寇
戎之地則加以旌節謂之節度使自景雲二年四月
始以賀拔延嗣爲涼州都督充河西節度使其後諸
道因同此號通鑑景雲元年十月以薛詵爲幽州會
經略節度大使節度之名自此始
要永徽已後除都督帶使持節即是節度使景雲二

年始有節度之號兵志云所謂方鎮者節度使之謂也原其始起於邊將之屯防者唐初兵之戍邊者大曰軍小曰守捉曰城曰鎮而總之者曰道若盧龍軍一東軍等守捉十一曰平盧道橫海北平高陽經略安塞納降唐興渤海懷柔威武鎮遠靜塞雄武鎮安懷遠保定軍十六曰范陽道天兵大同天安橫野軍四岢嵐等守捉五曰河東道朔方經略豐安定遠新昌天柱宥州經略橫塞天德天安軍九三受降豐寧保寧烏延等六城新泉守捉一曰關內道赤水大斗白亭豆盧墨離建康寧寇玉門伊吾天山軍十烏城

通雅卷三
四十一
等守捉十四曰河西道瀚海清海靜塞軍三沙鉢等
守捉十曰北庭道保大軍一鷹娑都督一蘭城等守
捉八曰安西道鎮西天成振威安人綏戎河源白水
天威榆林臨洮莫門神策寧邊威勝金天武寧曜武
積石軍十八平夷綏和合川守捉三曰隴右道威戎
安夷昆明寧遠洪源通化松當平戎天保威遠軍十
羊灌田等守捉十五新安等城三十二隄爲等鎮三
十八曰劍南道嶺南安南桂管邕管容管經略清海
軍六曰嶺南道福州經略軍一曰江南道平海軍一
東牟東萊守捉二蓬萊鎮一曰河南道此自武德至

天寶以前邊防之制其諸城鎮守捉皆有使道有
大將一人曰大揔管已後更曰大都督至太宗時行
軍征討曰大揔管在其本道曰大都督自景雲而後
接乎開元朔方隴右河東河西諸鎮皆置節度使及
安祿山反肅宗起靈武而諸鎮之兵共起誅賊其後
慶緒及史思明父子繼起肅宗命李光弼等討之號
九節度之師大盜既滅而武夫戰卒以功起行陣列
爲侯王者皆除節度使呂氏曰開元文武迭用不久
置十節度致燕陽之變安由是方鎮相望於內地大
史平而藩鎮之禍方始者連州十餘小者猶兼三四始時爲朝廷患者號河

朔三鎮及其末末全忠以梁兵李克用以晉兵更犯

京師而李茂貞韓建近據岐華其他大鎮南則吳浙

荆湖閩廣西則岐蜀北則燕晉而梁盜據其中自國

門以外皆分裂於方鎮矣方鎮表唐自中世以後亦

終以此六典云天下節度有八一關內朔方二曰

河東三曰河北幽州四曰河西五曰隴右六曰劍南

七曰磧西八曰嶺南陸宣公云開元天寶間程禦西

比兩蕃唯朔方河西隴右三節度而已通典云天寶

初折衝府五百九十三鎮二百四成三百九十三關

二十七王彥威云至德汧元和天下觀察者十節度

者二十有九防禦者四經略者三尹氏云弱唐者諸

侯也唐既弱矣而久不亡者諸侯維之也唐之弱者

以河北之疆也唐之亡者以河北之弱也崔氏曰肅

宗以河朔之地裂三鎮擅地自有其國卒移於方鎮

蕃鎮傳魏博傳五世至田弘正入朝十年復亂更四

姓傳十世有州七成德更二姓傳五世至王承元入
 朝明年王庭湊及傳六世有州四盧龍更三姓傳五
 世至劉總入朝六月朱克融反傳十二世有州九淄
 青傳五世而滅有州十二滄景傳三世至程權入朝
 十六年而李全略有之至其子同捷而滅有州四宣
 武傳四世而滅有州四彰義傳三世而滅有州三澤
 潞傳三世而滅有州五張氏曰唐之治由藩鎮之未
 盛也唐之亡由藩鎮之削滅也按百官志諸王拜節度大使者皆留
 京師副大使知節度事者正節度也開元四
 年親王始遙領十六年宰相始遙領貞元十
 四年賈耽上十道錄凡三十一節度十一觀察與防

萬曆十七年

卷之三

監元朱一昌

禦經略以守臣稱使者共五十元和八年李吉甫上

郡縣圖自京兆府至隴右道凡四十七鎮十四年橫海烏重胤

奏所領德隸景三州各還刺史職事在州兵並以刺史領之其後河北諸鎮惟橫海最為順命由重胤處

之得安程子曰趙普便是此策

河北二十四郡

顏真卿傳祿山反河朔盡陷獨平原城守玄宗始聞

亂歎曰河北二十四郡無一忠臣邪攷之六典河內

郡懷汲郡衛鄴郡相廣平郡洛鉅鹿郡邢趙郡趙恒

山郡恒博陵郡定上谷郡易范陽郡幽文安郡莫河

間郡瀛饒陽郡深信都郡冀清河郡貝魏郡魏博平

博平原郡 德 景城郡 滄 樂安郡 棣 媯川郡 媯 密雲

郡 檀 柳城郡 營 北平郡 平 凡二十四 畢炕為廣平太守拒安祿山城

陷覆其家二十四郡之忠臣不獨平原常山也

天下水泉

六典水部掌天下川瀆陂池之政令凡天下水泉三億三萬三千五百五十有九其在遐荒絕域不可得而知其江河自西極達于東漢中國之大川也其餘百三十有五水是為中川 桑欽水經所引天下之水百二十七江河在焉 其千二百五十有二水斯為小川 善長注水經引其支流一千二百五十 二若渭洛汾濟漳淇淮漢皆亘達方域唐志水經桑

欽撰舊志郭璞撰通典云水經不詳所撰者名氏亦

不知何代之書

經云壽張光武更名臨濟安帝更名湖陸章帝更名永安順帝更名故云

順帝以後纂序也今攷經云武侯壘諸葛武侯也又

云魏興安陽縣魏興郡魏分漢中所立也又改信都

從長樂晉太康五年事也又云河水北薄骨律鎮城

元魏鎮名也然則水經非後漢人所撰 桑欽君長

漢成帝時人見儒林 傳隋志不言桑欽撰 程子曰唐土德少河患本朝火

德多水災

六都護

會要都護府有六單于安西安北為大都護安南安

東北庭為中都護漢武開西域宣帝始置都護唐關

內道單于

龍朔三年曰雲中麟德元年更名秦漢雲中郡地

安北

貞觀二十一年曰燕

然龍朔三年曰瀚海總章二年更名治

中受降城徙豐勝二州境又徙天德軍隴右道安西

貞觀十四年置北庭本庭州長河北道安東總章元年置治

治西州徙龜茲安二年置

平壤徙遼東故城又徙新城嶺南道安南本交州調

又徙平州又徙遼西故城

治交趾寶曆元年開元四年親王始遙領大都護府之

年徙宋平縣

副大都地理志自太宗平突厥西北諸蕃及蠻夷稍

護主之

稍內屬即其部落列置州縣其大者為都督府以其

首領為都護刺史皆得世襲雖貢賦版籍多不上戶

部然聲教所暨皆邊州都督都護所領著于令式今

錄招降開置之目以見其盛其後或臣或叛經制不

一不能詳見突厥回紇党項吐谷渾隸關內道者為

府二十九州九十突厥之別部及奚契丹靺鞨降胡

高麗隸河北者為府十四州四十六突厥回紇党項

吐谷渾之別部及龜茲于闐焉耆疏勒河西內屬諸

胡西域十六國隸隴右者為府五十一州百九十八

羌蠻隸劍南者為州二百六十一蠻隸江南者為州

五十一隸嶺南者為州九十二又有党項州二十四

不知其隸屬大凡府州八百五十六號為羈縻云龜

茲毗沙本于闐國焉耆疏勒為四鎮咸亨元年罷四鎮曰龜茲于闐焉耆疏勒

長壽二年復四鎮曰豐勝靈夏朔代為河曲六州魯

龜茲于闐疏勒碎葉廣桂容邕安南為嶺南五府亦曰天寶後

為六胡州

含塞依契

五管

十官之戍北不踰河西止秦邠

五代所有州

梁唐晉漢周皆以藩鎮更爲帝職方考梁初天下別
爲十一國南有吳浙荆湖閩漢西有岐蜀北有燕晉
而朱氏所有七十八州以爲梁莊宗初起并代取幽
滄有州三十五其後又取梁魏博等十有六州合五
十一州以滅梁岐王稱臣又得其州七同光破蜀已
而復失惟得秦鳳階成四州而營平二州陷于契丹
其增置之州一寰合一百二十三州以爲唐石氏人

立獻十有六州於契丹

幽薊瀛莫涿檀順新而得蜀

金州又增置之州一威合一百九州以爲晉劉氏之

初秦鳳階成復入于蜀隱帝時增置之州一解合一

百六州以爲漢郭氏代漢十州入于劉旻世宗取秦

鳳階成瀛莫及淮南十四州又增置之州五濟濱雄

而廢者三衍武合一百一十八州以爲周軍不在焉

六皆寄治於縣棣於州故不別出

宋二十三路

太祖受周禪凡州府軍監一百三十九縣六百六十一

一軍監始自置屬建隆元年始以知州易方鎮乾德

二年詔階成二州直隸京師始不以支郡盡隸節度

使荆南來朝平湖南蜀廣江南開寶九年有州二百

九十七縣一千八百六太平興國二年盡罷節鎮所

領支郡三年陳洪進錢俶獻地四年平太原李繼捧

來朝而後混一至道三年始定為十五路京東京西

河北河東陝西淮南江南湖南湖北兩浙福建西川

峽西廣東廣西咸平四年分川陝為四路益梓利夔天聖

八年分江南為東西仁宗初有路十八總府州軍監

三百二十二縣一千二百六十二地東南皆至海西

盡巴熨北際中山東西六千四百八十五里南北一

萬一千六百二十里康定二年分陝西為四路秦鳳涇原

慶曆八年分河北為四路定州高陽皇祐三年

分淮南為東西揚州熙寧五年陝京西為南北陝西又

分永興建熙河并前四路為六路元豐四年八年分

河北為東西八年刪定九域圖更名九域志總二十

三路京東東京東西京西南京西北河北東河北西

陝西永興秦鳳河東淮南京西兩浙江南東江南西荆湖南荆湖北成都開封應天

梓利夔福建廣南東廣南西京府四河南大名次

府十州二百四十二軍二十七監四縣一千一百三

十五九年兩浙分東西路自熙寧始務開拓種諤取

綏州韓絳取銀州王韶取熙河章厚取懿洽謝景温
取徽誠熊本取南平郭逵取廣源元豐李憲取蘭州

沈括取葭蘆四寨元符王贍取青唐邈川龍支崇寧
玉厚復湟鄯汧于重和建州軍不可勝紀最後建燕
山雲中兩路而中夏板蕩矣自建炎南狩輿地登于
職方者東薄明粵南斥瓊崖西盡岷嶓北極淮漢蓋
僅當舜十二州之三漢十三部之四晉十九州之七
紹興十四年分利州路爲東西司馬公曰自周室東
遷王政不行諸侯逐進凡五百五十年而合於秦秦
霍用其民十有一年而天下亂又八年而合於漢漢
爲天子二百有六年而失其柄王莽盜之十有七年
而復爲漢更始不能自保光武誅除僭僞凡十有四年

然後能一之又一百五十二年董卓擅朝州郡更相
吞噬至于魏氏海內三分凡九十有一年而合於晉
晉得天下纔二十年惠帝昏愚羣胡乘釁散爲六七
聚爲二三凡二百八十有八年而合於隋隋得天下
纔二十有八年煬帝無道九州幅裂八年而天下合
於唐唐得天下一百三十年明皇恃其承平荒於酒
色漁陽竊發四海橫流肅代以降方鎮跋扈陵夷至
于五代朝成夕敗有如逆旅太祖起而拯之東征西
伐大勲未集太宗嗣而成之凡二百二十有五年然
後大禹之迹復混而爲一由是觀之上下一千七百

餘年天下一統者五百餘年而已歐陽公州名急就
章口別州自禹郡於秦廢置經革難具陳皇家垂統
天下定疆理萬方承政令近征遠貢各有宜或畀吏
治或羈縻九域披圖指可知分音比類慎訛疑文差
字析極精微若夫錦居遐裔孤音無比隰集梓泗劔
陝涪幽駢聲相附可以類求則有夔綏隨果賀捲滑
達越和何羅連三前叶其四謂何乃有瓜沙嘉巴鳳
隴雍宋歛峽合疊溜資思師化雅華夏密吉蔚悉永
郢鼎賴不宜吃訥又如保鄴道趙耀鄆信潤晉慎凡
五聲而一韻柳壽茂竇宥燕憲兗漢簡萬演海仙鱗

蔡泰愛欽潯金深柳黥蜀漢福睦復陸乃六律而同
 音七言惟一白澤號右益德壁八音相望廣象相闕
 絳獎黨石開萊台懷階崖雷梅澧棣冀利濟薊費智
 鄭鄧定孟慶應靜勝廉潭儋南嵐鹽甘崑至於許文
 婺處楚普路叙古魏惠桂貴遂貝瑞雋會言過乎丸
 難宣於口於是有岳鄂亭薄洛莫涿朔廓拓眉黎齊
 池斬施伊西夷溪濠曹饒昭韶潮遼交洮牢皆十邛
 通龍洪蓬蒙邕同戎忠松籠句右連綿澶安延丹紫
 宣檀驪蘭潘田巒湖舒滁廬渝瀘梧蒲徐廊扶儒
 禹句右皆秦邠麟汾陳温春筠辰文循銀雲勤

禹

句右皆

秦邠麟汾

陳温春筠辰文循銀雲勤

杭楊江黃常漳康襄房坊商滄洋昌灤長十句右皆并

青瀛登成明衡彭英瓊邢洛涇寧昇祭橫藤汀興營

平庭澄十句右二聯章斷句不能遽數真定河源以諱

不舉若乃物有疑似同音異字則有陵靈原袁府撫

乾虔濱賓融容渭衛全泉繡秀易翼渠衢歸媯龔恭

汴辨涼梁析岐鄯單宿肅磁慈維維峯封暨豐沂宜

及儀乃一號而三之音或不同相近者亦借以足之劍環恩順鎮霸

真雄又音文之兩同至於太平鬱林萬安平琴武安

洮陽新定建康二名雖美遠小不彰若監若軍四十

有六保定信安廣信安肅鎮戎保安岢嵐火山順安

嘉靖丁巳年
監生
卷三
十一

寧化實控三邊其餘瑣瑣皆不足言

其後因檢九域圖有高富瀟富

四州偶遺不錄以文晁氏曰秦隋兩世而亡晉兩世

句難移不復增入也而亂唯漢唐我宋歷年而久呂氏曰藝祖肇造區夏

監觀四方求民之莫藩方強大犬牙相錯異姓封王

及帶將印者不下數十人鮮用趙普之謀制其錢穀

収其精兵歛威福之柄歸之公上而舉是大柄付之

縉紳學士無所疑間命廷臣為知州通判以散節度

使之權命朝臣奚與等為知縣以勤恤民隱此運量

宇宙之大畧出於獨見而非普之所能及也曾氏曰

太祖之世其捍北狄則用李漢超於關南馬仁瑀於

瀛州韓令坤於常山賀惟忠於易州何繼筠於棣州
其禦太原則用郭進於西山李謙溥於隰州李繼勳
於昭義其備西戎則用姚內斌於慶州董遵誨於環
州王彥昇於原州馮繼業於靈州如內斌遵誨之兵
率不過五六千人皆責之以自守其地

歷代戶口

周仲山父曰古者司民協孤終司商協名姓司徒協
旅司寇協姦牧協職工協革場協入廩協出是則少
多死生出入往來皆可知也於是又審之以事王治
農于藉撥于農隙耨獲亦於藉獮於旣烝狩於畢時

是皆習民數者也帝王世紀禹平水土還為九州民
口千三百五十五萬三千九百二十三人周公相成
王致治刑錯民口千三百七十一萬四千九百二十
三人多禹十六萬一千人周之極盛也莊王之十三
年齊桓公二年五千里內非天王之御自世子公侯
以下至于庶民凡千一百八十四萬七千人定受田
者九百萬四千人杜祐曰當時天下列國悉其數未詳至于戰國蘇張
之說計秦及山東六國戎卒尚踰五百餘萬推民口
數當千餘萬秦獻公十年初為戶籍相伍始皇十六年初令男子書年漢平帝元
始二年民戶千二百二十三萬三千六十二口五千

九百五十九萬四千九百七十八漢極盛矣後漢光武中元二年戶四百二十七萬九千六百三十四口二千一百萬七千八百二十桓帝永壽二年戶千六百七萬九百六口五十六萬六千八百五十六魏武據中原戶六十六萬三千四百二十三口四百四十三萬二千八百八十一

蜀後主爲魏所滅得戶二十八萬口九十四萬帶甲將士

十萬二千吏四萬吳赤烏中有戶五十二萬口二百三十萬及皓滅有戶五十三萬口二百三十萬兵二十三萬大小三國鼎立之時通計戶百四十七萬三千四百三十三口七百六十七萬二千八百八十一

晉武帝太康初平吳天下戶二百四十五萬九千八

百四十口一千六百一十六萬三千八百六十三晉

之極盛也

魏志注案晉太康三年地記晉戶有三百七十七萬

宋孝武大明八

年戶九十萬六千八百七十口四百六十八萬五千

五百一陳宣帝時有戶六十萬至後主滅有戶五十

萬口二百萬後魏明帝正光以前有戶五百餘萬東

魏靜帝武定中有戶百一十八萬一百一十二口四

百四十八萬八千七百六十

通計西魏州郡也

北齊為周所

滅得戶三百三萬二千五百二十八口二千萬六千

八百八十後周大象中戶三百五十九萬口九百萬

九千六百四隋大業中戶八百九十萬七千五百三

十六口四千六百一萬九千九百五十六唐武德初

二百餘萬戶永徽元年戶三百八十萬去大業末天

寶十四年戶八百九十一萬四千七百九口五千二

百九十一萬九千三百九唐之極盛也自武德初至

三十八年人戶肅宗乾元三年戶百九十三萬三千

一百三十四大曆中雖有百三十萬戶建中初命黜

陟使往諸道按比戶口得主戶百八十餘萬客戶一

百三十餘萬共三百一十萬建中元年定天下兩稅

七十元和二年李吉甫等撰元和國計簿見定戶二

百四十四萬二百五十四十五道七十一州不申戶

口數率以兩戶資一兵

王彥威上古額圖吉長慶縣舊額三百五十萬而兵乃九十九萬率三戶養一兵

宋太祖元年戶九十六萬末年天下既定戶三百九萬五百四真

宗景德四年戶七百四十萬七千五百七十一千

六百二十八萬二百五十四神宗元豐六年戶一千

七百二十一萬一千七百十三口二千四百九十六

萬九千三百慶曆三年范仲淹陳十事入曰減徭役

觀西京圖經唐會昌中河南府有戶口

十九萬四千七百餘戶置二十縣今河南府主客七

萬五千九百餘戶仍置一十九縣鞏縣七百戶偃師

一千一百戶逐縣三等堪役者不過百家而所供役

人不下二百數新舊循環非餓寡孤獨不能供役西

洛之民最為窮困請依後漢故事遣使先往

西京并省諸邑為十縣所廢之邑並改為鎮

中論曰

民數為國之本也以分田里以令貢賦以造器用以

制祿食以起田役以作軍旅國以建典家以立度五
禮用脩九刑用措其唯審民數乎通典曰古之爲理
在周知人數乃均其事役周官有比閭族黨鄉遂之
制維持其政綱紀其人孟冬獻民數于王王拜受之
其敬之守之如此其重也胡氏曰庶可能也而難於
富以誅其財也富可能也而難於教以無其道也漢
孝文孝明唐太宗之世亦云庶富矣西京之教無聞
焉明帝尊師重傅臨雍拜老宗戚子弟莫不受學唐
太宗大召名儒增廣生員教亦至矣然而未知所以
教也石氏曰漢有平城之危諸呂之難七國之反王

莽之奪漢終不亡民心未去也唐有武氏之變祿山之禍思明朱泚希烈宗權諸侯之叛唐終不亡民心尚在也民之叛也雖以百里雖以匹夫猶能亡國湯以七十里亡夏文王以百里亡商陳勝以匹夫亡秦是也書曰可畏非民蘇氏曰三代之制度也以居民民各以其夫家之衆寡而受田于官一夫而百畝民不可以多得尺寸之地而地亦不可以多得一介之民故其民均而地有餘當成康刑措之後其民極盛之時九州之籍不過千三萬四千有餘夫地以十倍而民居其一故穀常有餘而地力不耗均之有術也

劉氏度曰西漢之盛以戶計者至於千二百二十三

萬以口計者至於五千九百五十九萬考之後世以

隋大業之富而戶口之數終莫能及以未有浮屠之

法以耗之也唐開元之間治固不逮漢而以口計者

四千八百十四萬自漢而降無若開元者豈非以開

元初姚崇爲相一旦髮僧而農者餘萬二千人磨以

歲月其徒稍衰故邪李氏心傳曰西漢戶口至盛之

時率以十戶爲四十八口有奇東漢戶口率以十戶

爲五十二口可準周之下農夫唐人戶口至盛之時

率以十戶爲五十八口有奇可準周之中次自本朝

元豐而紹興戶口率以十戶爲二十一口以一家止於兩口則無是理蓋詭名子戶漏口者衆也昔陸宣公稱租庸調之法曰不校閱而衆寡可知自井田什一之後其惟租庸調之法乎理道要訣曰秦漢以降海內一家孝平元始桓帝永壽有隋大業唐家天寶戶口殷盛三代莫儔

通鑑地理通釋卷第四

浚儀王應麟伯厚甫

歷代都邑攷

明王素若天道建邦設都商邑翼翼四方之極作都邑攷

宓義都

帝王世紀宓義都陳春秋傳陳大皞之虛也今陳州

淮寧府宛丘縣 稽古錄都宛丘

神農都

世紀神農氏亦都陳又營曲阜 曲阜在魯城中故春

嘉靖丁巳年 一 監生韓斗刊

秋稱魯大庭氏之庫今兗州府夔慶仙源縣大庭氏古

魯於其處作庫

黃帝都

史記黃帝邑於涿鹿之阿括地志涿鹿山在媯州懷
戎縣東南五十里涿鹿城在山側故城在州東南五
十里本黃帝所都也世紀黃帝都涿鹿於周官幽州
之域在漢為上谷世本云涿鹿在彭城然則上谷本
之野漢今上谷有涿鹿縣又蚩尤城阪泉
涿鹿在媯州懷戎縣東五十六里出五里至涿鹿東
北與涿水合晉太康地志云涿鹿城東一里有阪泉
上有黃或曰黃帝都有熊今河南新鄭是也今鄭州

都邑攷

少昊都

世紀少昊氏自窮桑登位

外紀少皞青陽居
江水邑于窮桑

春秋傳

曰遂濟窮桑在魯北

賈逵曰處窮桑以登為帝故天
下號之曰窮桑蓋木為帝居於

此既而為
帝乃居魯

登帝位後徙曲阜於周為魯周以封伯禽

春秋傳曰命伯禽而封於少皞之虛

注曲阜也在魯
城內劉公幹魯

都賦昔大庭氏肇建厥居少昊受命亦都茲焉水經
注曲阜少昊之墟有大庭氏之庫魯都賦曰戰武器
於有炎之庫放戎馬於巨
野之坰 或云金天國號

顓帝都

世紀顓頊氏自窮桑徙帝丘於周為衛春秋傳曰衛

顓頊之虛也謂之帝丘今東郡濮陽是也濮陽故城

在今澶州

開德府

濮陽縣東

唐高宗封泰山次濮陽問此謂帝丘何也許敬宗曰

昔帝顓頊始居此地以王天下其後夏后相因之為寒泥所滅後昆吾氏因之而為夏伯昆吾既衰湯滅

之至春秋時衛成公自楚丘徙居之左氏稱桓奪予享以舊地也由顓頊所居故曰帝丘通志顓頊帝都高

陽皇覽顓頊冢在東郡濮陽頓丘城門廣陽里中

通典棘城即顓頊之墟在

營州柳城東南一百七十里

晉載記慕容廆以大棘城即帝顓頊之墟也乃

移居

郡縣志高陽故城在汴州雍丘縣西南二十九

里

顓頊佐少昊有功受封此邑外紀顓頊都衛故為帝丘後徙高陽稱高陽氏

帝嚳都

世紀帝嚳都亳今河南偃師是也

通志高辛氏故都亦謂高辛史記正

義高陽高辛所興地名

書序湯始居亳從先王居沚契父帝嚳

都亳括地志亳邑故城在洛州偃師縣西十四里本

帝嚳之墟商湯之都也輿地廣記河南府偃師縣帝嚳所都亦古亳邑也商有三

亳成湯居西亳此卽一也周武王欲示休戎之意名曰偃

帝堯都

世紀帝堯始封於唐今中山唐縣是也堯山在焉郡縣

志定州唐縣古唐侯國堯初封於此今定州北有故唐城唐水在西北入唐河南

望都縣山卽堯母慶都之所居也相去五十里都山一名巨山北登堯山南望都山故名縣曰望都地理

志堯山在唐縣南張晏以堯山在唐東北望都地理都北史記堯作游成陽正義濮州雷澤縣是後入徒

晉陽今太原縣也於周在并州之域通志今平定軍有古晉陽城是

其及爲天子都平陽於詩風爲唐國武王子叔虞封

焉季札聞唐之歌曰思深哉其有陶唐氏之遺民乎

括地志今晉州所治平陽故城是也

輿地廣記晉州臨汾縣本平陽

隋改

平陽河水一名晉水韋昭云陶唐皆國名或曰堯先居陶後居唐陶今廣濟軍定陶縣唐今中山

府唐縣猶有唐城存焉或云唐城在絳州翼城西二

里括地志定州唐縣堯後所封漢書音義唐今河東

永安去晉四百里即彘也詩譜曰唐帝堯舊都書惟

彼陶唐有此冀方

正義堯都平陽舜都蒲坂禹都安邑相去不盈二百皆在冀州通志

曰自開闢以來皆河南建都雖黃帝之都堯舜禹之

都於今皆為河北在昔皆為河南大河故道自碣石

入海碣石今平州也所以幽薊之邦冀并之壤皆為

河南地周定王五年以後河道堙塞漸移南流至漢

元光三年徙從頓丘入渤海渤海今濱滄間也李

氏曰堯舜都冀地壤最闊今之虜境各在其內

帝舜都

史記舜耕歷山

書帝初于歷山在于田郡國志河東蒲坂有雷首山注縣南二十里有歷

山舜所耕處括地志蒲州河中府河東縣雷首山亦

名歷山南有舜井又越州餘姚縣有歷山舜井濮州

雷澤縣有歷山舜井又有姚墟云生舜處也媯州外

城中有舜井城北有歷山皆云舜所耕處未詳也南

豐曾氏曰鄭康成釋歷山在河東世之好事者因媯

水出於雷首遷就附益謂歷山為雷首之別號不考

其實矣孟子謂舜東夷之人則陶漁在濟陰作什器

在魯東門就時在衛耕歷山在齊皆東方之地合於

孟子圖記謂齊之南山為歷山舜漁雷澤括地志雷

州雷澤縣郭外西北鄭康成云在濟陰地理志禹貢

雷澤在濟陰成陽縣西北墨子曰舜漁於獲澤通典

澤州陽城縣陶河濱皇甫謐曰濟陰定陶西南陶丘

有獲澤水亭是也今廣濟軍括地志陶城

在蒲州河東縣北三十里即舜所作什器於壽丘壽

都也南去歷山不遠何必定陶就時於負夏日孟

在魯東門之北今在兗州曲阜縣就時於負夏日孟

東北六里附寶生黃帝於壽丘

於頁夏鄭康成云衛地堯典釐降二女于媯汭媯水名在今河

歷山入河爾雅水北曰汭括地志媯州有媯水原出

城中者舊傳云卽舜媯汭水經注世本曰舜居饒內

在漢中西城或言媯墟在西北舜所居也通典金州

西城縣有媯墟帝王世紀謂之姚墟世本曰饒汭古

文尚書周語羸內音媯汭括地志又云姚墟在濮州

雷澤縣東十三里會稽舊記云上虞三十里有姚丘

卽舜所生也嬪于虞括地志故虞城在陝州河北縣東北

曰堯以二女妻舜封之於虞今河東太陽山西虞城

是也舜居虞地以虞為氏郡國志太陽有吳山上有

虞城括地志宋州虞城縣舜後所封世紀舜所營都

或言蒲坂卽河東縣今河中府南二里河東縣界蒲

城是也或言潘今上谷媯州城是也外紀都蒲坂

夏都

皇王大紀禹都于安邑世紀鯀封崇伯國在秦晉之

間左氏傳趙穿禹受封為夏伯在禹貢豫州外方南

於秦漢屬潁川本韓地今河南陽翟是也地理志陽翟夏禹國

今潁昌府陽翟縣有禹山輿地志宿州受禪都平陽

或在安邑今陝州夏縣本夏禹之都漢為安邑屬河東後魏改為夏縣郡縣志夏縣東北十五

里安邑故城或在晉陽左傳注夏墟大禹所都也世本言夏后

居陽城本在大梁之南今陳留浚儀是也劉熙云潁川陽城今

屬河南按經傳夏與堯舜同在河北冀州之域不在河南居陽城者自謂禹避商均時非都也外紀禹都

安邑或云平陽亦云晉陽及韓啟筮享神於大陵之上是為鈞臺之享又筮於晉之糞作瑋臺於水之陽

寰宇記禹自安邑相徙帝丘於周為衛左傳衛遷于帝丘衛成公

康熙二十六年刊

夢康叔曰相奪予享汪相居帝丘今濮陽外紀相為羿所逐失國居商丘

依夏同姓諸侯斟灌斟鄩今按商丘當作帝丘蓋世紀之誤也地理志北海壽

光縣注古垺灌禹後今灌亭是平壽縣注故垺鄩禹後今垺城是左傳注壽光東南有灌亭平壽東南有

斟亭括地志斟灌故城在青州壽光縣東五十四里斟鄩故城今青州北海縣是也水經注地理志北海

有斟縣京相璠曰故斟尋國禹後西北去灌亭九十里少康中興復還舊都楊

曰少康靡鬲真人臣子哉經營四十年然後克殄元凶祀夏配天不失舊物通典宋州虞城縣有綸鄉

即少康邑在縣東南三十五里戰國策稱桀之居左天門之險上黨

關即天門也右天谿之陽成臯在其北伊洛出其南吳起

對魏武侯亦言桀之居左河濟右太華伊闕在其南

羊腸在其北正義汲冢古文云太康居斟鄩羿亦居

羊腸坂在太原晉陽西北九十里史記正義汲冢古文云太康居斟鄩羿亦居

之築又居之書云太康失邦兄弟五人須于洛汭此
即太康居近洛也臣瓚云斟尋在河南蓋後遷北海
也周書度邑篇武王問太公吾將因有夏之居即河
南是也括地志故鄒城在洛州鞏縣西南五十八里
蓋築所居夏亭故城在汝州郟城
縣東北五十四里蓋夏后所封
書湯誓注築都安
邑鳴條之野地在安邑之西鳴條陌服虔曰
陶唐虞夏之都大率相近不出河東之界

商都

世紀契始封商在禹貢太華之陽上洛商是也括地志商

州東入十里商洛縣本商邑古之商國高所封漢弘

農鄧高縣世本曰契居番水經注渭水東逕密都城

北故潘邑契所居闕世本昭明居砥石荀子成相云

駟曰蕃鄭西今密城

契玄王生昭明居於砥石遷于商注砥石地名未詳所在或曰即底柱

也至相土相土徙商丘故陶唐氏之火正闕伯之所

乃遷商丘

居也春秋傳曰闕伯居商丘祀大火相土因之故商

主大火謂之辰故辰為商星杜預云今梁國睢陽宋都括地志宋州城古闕

伯之墟即商丘也今應天府宋城縣相土昭明子也書序湯始居亳從先王居

史記正義括地志云宋州穀熟縣西南三十五里南

亳故城即南亳湯都也宋州北五十里蒙城為景亳

湯所盟地因景山為各河南偃師為西亳帝嚳及湯

所都盤庚亦都之湯即位居南亳後徙西亳孔安國

云帝嚳都亳湯自商丘遷故曰從先王居通典曹州

考城縣有北亳亦曰景亳詩正義皇甫謐云學者咸

以亳在河洛之間今河南偃師西二十里有尸鄉亭

是也謚考孟子稱湯居亳與葛為鄰案地理志葛今

梁國寧陵之葛鄉今拱州之寧陵寧陵去偃師入百

里而使亳眾為耕非其理也今梁國自有二亳南亳

在穀熟即今南京之穀熟北亳在蒙即今拱州之考

城古謂之蒙漢謂之薄非偃師也殷有三亳二在梁

國一在河洛之間穀熟為南亳即湯都也蒙為北亳

即景亳是湯所受命地偃師為西亳即盤庚所徙也

立政曰三亳阪尹是也鄭康成注立政云三亳者湯
舊都之民分爲三邑其長居險故曰阪尹蓋東成阜
南轅轅西降谷也是鄭以三亳爲分亳民於三處非
三處有亳地也杜預以景亳爲周地河南鞏縣西南
有湯亭或說卽偃師也漢書音義臣瓚案湯居亳今
濟陰薄縣以經無正文各爲異說地名變易難得而
詳林氏曰鄭氏云亳在河南偃師鄭說可從蓋偃師
在河南其地與周洛邑相近乃四方朝覲貢賦道里
取中之地商頌曰古帝命武湯正域彼四方邦畿千
里維民所止商邑翼翼四方之極使非河南則頌未
必如此周禮疏曰堯治平陽舜治安邑唯湯居亳得
地中通志亳故京兆杜縣有亳亭是也杜城今在長
安南故太史公云禹興西羌湯起亳也及湯有天下
始居宋地復命以亳今南京穀熟是也書正義契至
湯入遷契居商昭明居砥石相土居商丘
湯居亳有此四遷其餘四遷未詳聞也

躡世紀今河南之敖倉是也

史記遷于傲正義括也
志榮陽故城在鄭州

澤縣西南十七里殷時敖地也世紀云仲丁自亳徙
都敖周時名北制在敖山之陽後屬韓爲榮陽縣

河亶甲居相

在河北括地志故殷城在相州內黃縣今屬大名府東南十三里即河亶甲所

築都之故名殷城相州安陽本盤庚所都即北冢殷墟南去朝歌城百四十六里竹書紀年盤庚自奄遷

于北冢曰殷墟南去鄴四十里是舊都城西南三十里有洹水南岸三里有安陽城西有城名殷墟所謂

北冢也安陽城即相州外城水經注洹水逕殷墟項羽與章邯盟於此地類要安陽縣本殷墟所謂北冢

河亶甲城在西北五里四十步洹水南岸後魏天平四年立相州取河亶甲居相之義治鄴祖乙

圮于耿

為河所毀地理志河東皮氏縣耿鄉故耿國括地志絳州龍門縣東南十二里耿城故耿

國史記祖乙遷于邢

皇極經世祖乙圮于耿徙居邢通典邢州祖乙遷于邢即此地

亦邢國也括地志邢國故城在邢州外城內西南角地理志襄國縣故邢國今信德府龍岡縣書正義汲

冢古文云盤庚自奄遷于殷蓋祖乙圮於耿遷於奄括地志兗州曲阜縣奄國之地盤庚五遷

將治亳殷盤庚遷于殷曰先王不常厥邑于今五邦

馬氏曰五邦謂商丘亳蹕相耿也林氏曰序言五遷
自湯至盤庚併數之此言五邦又言今不承于古則
是盤庚之前遷者有五考之前序但有亳蹕相耿之
四者併盤庚數之則盤庚歸亳不應謂之五邦太史
公謂祖乙自耿遷邢汲冢紀年謂祖乙遷奄此與序
戾不可據意者更有遷而史失之皇極經世盤庚五
遷復歸于亳改號曰殷三代世表云徙河南世紀盤
庚復南居亳之殷地今偃師是也周氏曰商人稱殷
自盤庚始自此以前惟稱商而已自盤庚遷都之後
於是殷商兼稱或只稱殷通志激水出陽城東至西
華汝陽入于潁與潁水合流古人并謂潁為激故命
以殷焉詩補傳曰殷以激水得名激潁同音古激水
縣今陳州之商水縣也殷
商兼商山潁水而言之
徙河北世紀武丁徙居朝歌今河內縣也酒誥明大
命于妹邦孔氏云紂所都朝歌以北是通志紂居朝
歌隋改為衛縣隸衛州朝歌故城在縣西二十二里
衛縣熙寧中省為鎮入黎陽戰國策殷紂之國左孟
門而右漳釜南帶河後被山史記吳起曰左孟門右
太行常山在其北大河經其南括地志紂都朝歌在

康熙二十六年刊

卷之六

衛州東北七十三里斬歌故城是也本姝邑武丁始
 都之世紀云帝乙復濟河北徙朝歌其子紂仍都焉
 地里志河內本殷之舊都周既滅殷分其畿內為三
 國詩風邶庸衛國是也注自紂城而北謂之邶南謂
 之庸東謂之衛左傳注殷虛朝歌也世紀紂自朝歌
 北築沙丘臺沙丘在鉅鹿東北七十里括地志在邢
 州平鄉東北二里史記貨殖傳昔唐人都河東殷人
 都河內周人都河南夫三河在天下之中若鼎足王
 者所更居也

周都

世紀周后稷始封邰今扶風聚是也

地理志右扶風
 釐縣后稷所封

括地志故釐城一名武功城在雍州京兆府武
 功縣西南二十二里古邰國有后稷乃姜源祠及公

劉徙邑於豳詩稱于豳斯館今新平漆之東有豳亭

是也

后稷生不窋周語不窋失其官自窋戎狄之間
 括地志不窋故城在慶州弘化縣南三里即不

甯在戎狄所居之城也幽州新平縣即漢漆縣詩幽國公劉所邑之地郡縣志古幽城在邠州三水縣西

三十里公劉始都之處通典慶州安化縣尉李城在白馬兩川交口亦曰不甯城幽州開元十三年改幽

為邠幽故枸邑是地理志右扶風枸邑有幽鄉詩幽國公劉所都枸邑故城在三水縣東北二十五里

至太王避狄循漆水在鳳翔府普潤縣東入渭地理志在右扶風漆縣西踰梁

山括地志在雍州好時縣西北十八里鄭康成云岐山西南好時熙寧中屬鳳翔府徙邑於

岐山之陽西北岐城舊趾是也詩稱率西水澣至于

岐下康成云循西水南有周原故始改號曰周康成

原在岐山之南詩闕宮曰居岐之陽地理志岐山在右扶風美陽西北中水鄉周太王所邑括地志故周

城一名美陽城在雍州武功縣西北二十五里即太

王城也通典美陽縣故城在武功縣北七里輿地廣記鳳翔府扶風縣岐陽鎮漢美陽縣地周太王邑于

岐山之下即此詩所謂居岐之陽也女王始亦治焉

唐岐陽縣元和三年省入扶風縣志岐山亦名天柱山在鳳翔府岐山縣東北十里孟子文王生於岐

周王季徙程書序曰維周王季宅程是也孟子文王卒於畢郢

史記正義周書云惟周王季宅郢郢故城在雍州咸陽縣東二十一里周之郢邑也詩正義周書稱文王在

程作程寤程典皇甫謐云文王徙宅於程蓋謂此也地理志右扶風安陵關驪以為本周之程邑也文

王受命徙都於鄠在今京兆之西詩既伐于崇作邑

于豐說文鄠文王所都在京兆杜陵西南括地志周豐宮文王宮也在雍州京兆府鄠縣東三十五

里鄭康成云豐邑在豐水之西鎬京在豐水之東徐廣云豐鎬相去二十五里皆在長安南數十里地理

志鄠水出右扶風鄠縣東南通典岐州鳳翔府岐山縣文王徙於岐即此縣也孟子曰文王治岐尚書大

傳春子曰文王治岐詩皇矣曰度其鮮原居岐之陽在渭之將鄭氏箋在岐山之南居渭水之側後竟徙

都於豐正義云太王初遷已在岐山岐山之陽云舊都不遠豐則岐之東南三百里蘇氏云文王既克密

須於是相其高原而徙都焉所謂程邑是歟通典周文王作鄠今京兆府長安縣西北靈臺鄉豐水上是

也殷有崇國武王徙都鎬封文王子於鄠括地志鎬在鄠縣界

水源出長安縣西北瀆池長安志在縣西北十八里通典今長安縣昆明池北鎬陂是也詩宅是鎬京後

漢志鎬在京兆上林苑中孟康云長安西南有鎬池水經注鎬水上承鎬池於昆明池北都縣志周武王

宮即鎬京也在長安縣西北十八里自漢武帝穿昆明池於此鎬京遺址淪陷焉穆天子傳入于宗周注

鎬京也通志周地西迫戎俗自岐之豐自豐之鎬是西遠戎而東即華也程氏曰伐商作洛皆步自宗周

而往以其事告于豐廟康有鄠宮之及伐紂營洛邑朝康王雖仍都鎬其受朝仍在豐地

而定鼎焉今洛陽西南洛水之北有鼎中觀是也史記

周紀王曰自洛汭延于伊汭居易毋固其有夏之居我南望三塗北望嶽鄙顧詹有河粵陽維伊毋遠天

室營周居于洛邑而後去太史公曰學者皆稱周伐紂居洛邑綜其實不然武王營之成王使召公卜居

康熙二十六年刊

居九鼎焉而周復都豐鎬周書度邑曰武王問太公曰吾將因有夏之居南望過于三塗北瞻望于有河

周公相成王以豐鎬偏處西方乃使召公卜居洛水

之陽以卽土中遂築新邑營定九鼎以爲王之東都

洛邑書我乃卜澗水東瀍水西惟洛食注今河南城也是爲

王城名曰東周公羊傳王城者何東周也地璽志王城本郊鄆之地或謂之郊鄆春秋傳

成王定鼎于郊鄆河南是也今東門名鼎門蓋九鼎所從入也郊山名鄆邑名桓七年王遷盟向之民于

郊襄二十四年齊人城郊郊王城括地志故王城一名河南城本郊鄆周公新築在河南縣北九里苑內

東北隅自平王以下十二王皆居此城至敬王乃遷

都成周赧王又居王城洛陽故城在洛陽縣東北二十六里周公所築卽成周城也書我又卜瀍水東北

惟洛食注今洛陽也將定下都遷殷頑民故并卜之周語靈王二十二年穀洛鬪將毀王宮韋昭曰洛水

在王城南穀水在王城北東入于瀍婁敬曰成王營

成周都洛以爲天下中諸侯四方納貢職道里鈞矣

呂氏曰孔子序洛誥曰周公往營成周則成周乃東

都總名河南成周之王城也洛陽成周之下都也王

城非天子時會諸侯則虎之下都則保釐大臣所居

治事之地周人朝夕受事習見既久成王既卜營洛

遂獨指以爲成周矣通曲邾鄆陌名成王既卜營洛

邑建明堂朝諸侯復還艷鄙故書序曰還歸在豐歸

宗至懿王徙犬丘秦謂之廢丘今京兆槐里是也世本懿

丘地理志右扶風槐里縣周曰犬丘懿王都之括地

志犬丘故城一名廢丘在雍州始平縣東南十里即

周懿王所都漢高祖三年更名槐里厲王出于彘今

今京兆府興平縣秦紀非子居犬丘厲王出于彘今

東求安是也通典晉州霍邑縣漢彘縣詩序宣王復

會諸侯于東都王氏曰成王于洛時會諸侯而邑宣

王時會諸侯于東都平王徙居洛洛誥所謂新邑也

而車攻謂之復古都平王徙居洛洛誥所謂新邑也

王城地理志初雒邑與宗周通封畿東西長而南北

短短長相覆爲千里至襄王以河內賜晉文公又爲

萬曆丁亥年
監生陳善善刊

諸侯所侵故其分墜小郡國志河南周公所城雒邑

也春秋時謂之王城東城門名雒邑及敬王

南望雒水北至陝山地道記去雒城四十七里

避子朝之亂東居成周狄泉在王城之東曰東王居

春秋曰天王入于成周後六年王室定遂徙都城以

成周城小不受王都故壞翟泉以廣焉翟泉地在成

周東北郡國志雒陽周時號成周有狄泉在城中注

一摯虞曰古之周南今之雒陽世紀曰城東西六十

十餘里呂氏曰洛陽雖有二城而成周則其總名柱

預孔穎達皆以下都為成周謂敬王避子朝之亂自

苟成周信為下都之名則凡書之言洛皆謂之成周

是以下都之名而包王城其不可信也左氏未嘗

有敬王自王城遷成周之明文第言子朝既逐王入

于成周而已敬王請城成周之辭亦謂成王合諸侯

城成周以為東都則成周者洛邑之總名明矣其不

可也信至赧王又徙居西周謂呂氏曰平王東遷之後所

東都也威烈王之後所謂西周者河南也東周者洛陽也周紀考王封其弟于河南是為桓公以續周公

之官職惠公封其少子於鞏以奉王號東周惠公注於是官職惠公封其少子於鞏以奉王號東周惠公注

公班居洛陽王赧時東西周桓公揭居河南東周惠鞏也趙世家成侯八年與韓分周以為兩徐廣曰顯

王二年周紀無此呂氏曰東西周各為列國不復相關自是而後稱東西周君者皆謂二周君也本紀云

赧王時東西周分治非也赧王特徙都西周耳當以趙世家為正白虎通夏曰夏邑

殷曰商邑周曰京師詩公劉京師之野朱文公曰京師高丘而衆居之也董氏曰所

謂京師者起於此其後世因以所都為京師曰續于京依其在京則岐周之京也王配于京則鎬京也春

秋所書京師則洛邑也皆仍其本號而稱之猶晉之云新絳故絳也洛邑亦謂之洛師正京師之意也林

氏曰岐在郃西北無百里幽又在岐西北四百餘里豐在岐山東南二百餘里鎬在豐東二十五里方氏

康熙二十六年刊

日豐鎬宗廟所在故謂之宗周洛邑以王道成於此故謂之成周

秦都

秦紀非子居犬丘周孝王分土為附庸邑之秦注今天水

隴西縣秦亭地理志今隴西秦亭秦谷是也括地志秦州清水縣本名秦羸姓邑漢屬天水郡水經注清

水逕清水城南又西與秦水合水出東北大隴山秦

谷歷三泉合成一水而歷秦川有故亭秦仲所封

也秦之為號始是秦水又西南歷隴川逕六槃

清水城西南注清輿地廣記秦州隴城縣有秦谷郡

縣志秦城在隴州東南二十五里

莊公居其故西犬丘

世紀周懿三

是也平王封襄公為諸侯賜之岐以西之地於是始國

文公居西垂宮東獵至汧渭之會乃卜居之占曰吉

卽營邑之括地志故汧城在隴州汧源縣南三里世紀云襄公二年徙居汧卽此城鄜縣故城

在岐州鳳翔府郿縣東北十五里文公東觀汧渭之

會卜居之乃營邑焉卽此城也世紀文公徙汧今扶

風郿縣 **寧公徙居平陽** 志平陽故城在岐州岐山縣

是也 西四十六里秦寧公徙都之處岐山縣有平陽鄉

內有平陽聚武公居平陽封宮正義云在平陽城內

水經注汧水逕郁夷 **德公初居雍城大鄭宮** 後子孫

縣逕平陽故城南 飲馬於河世紀今扶風雍是也括地志岐州雍縣南

七里故雍城秦德公大鄭宮也秦記康公居雍高寢

桓公居雍太寢今 **獻公城櫟陽徙都之** 世紀今馬坊

鳳翔府天興縣 地志櫟陽故城一名萬年城在雍州東北百二十里

漢七年分櫟陽城內爲萬年縣通典漢萬年縣在京

兆府櫟陽縣東北二十五里櫟陽故城是周明帝省

萬年人廣陽更於長安城中置萬年縣仍移廣陽縣

入舊萬年縣城 **孝公作爲咸陽築冀闕徙都之** 世紀

卽今櫟陽是 年更名新城屬扶風後并於長安故太史公曰長安

故咸陽也元鼎三年復別爲渭城今長安西北渭水

陽有故城西京賦秦里其朔寔為咸陽括地志咸陽
 故城亦名渭城在雍州咸陽縣東十五里京城北四
 十五里即秦徙都者今咸陽縣古之杜郵劉伯莊云
 其猶記事闕猶象魏也始皇置酒咸陽宮營作朝宮
 渭南上林苑中先作前殿阿房為閣道自殿下直抵
 南山為復道自阿房渡渭屬之咸陽自孝公至子嬰
 十世居咸陽

漢都

世紀漢高帝元年始為漢王都南鄭屬漢中今興二

年北徙櫟陽地理志屬左馮翊秦獻公自雍徙括地

志秦櫟陽故宮在雍州櫟陽縣北三十五里秦獻公所造三輔黃圖高帝七年徙都長安秦咸

帝都長安未有宮室居櫟陽宮地理志長安縣高帝五年置陽之地京兆所治縣也長安本鄉名今為永興軍治

其城狹小惠帝元年更築廣之五年乃成地理志六年成通典

今城西北古城是也括地志長安故城在雍州長安縣西北三十里漢之舊都本秦離宮長安故咸陽也

高帝居雒陽南宮婁敬說曰陛下都雒陽豈欲與周室比哉竊以爲不侔矣秦地被山帶河四塞以爲固因秦之故資甚美膏腴之地此所謂天府羣臣皆言不如都周帝疑未能決留侯曰關中左殽函右隴蜀沃野千里南有巴蜀之饒北有胡苑之利阻三面而固守獨以一面東制諸侯河渭漕輓天下西給京師所謂金城千里天府之國於是帝卽日駕西都關中

呂氏曰敬所談秦之形勢乃周之形勢也翼奉上疏元帝曰願徙都於成

周左據成臯右阻黿池南鄉崧高後介大河建滎陽

扶河東南北千里以為關而入敖倉地方百里者八

九足以自娛東厭諸侯之權西遠羗胡之難淮陽王

更始元年都宛今鄧州南陽縣十月北都洛陽二年遷都長

安光武以武信侯封蕭王今徐州蕭縣即位於鄗南千秋

亭五城陌更名高邑今趙州高邑縣後漢注即位壇在柏鄉縣柏鄉縣五年省人高邑建

武元年入雒陽幸西宮却非殿遂定都焉故成周之舊基城東

西六里十步南北九里一百步時人謂雒陽為東京長安為西京河南尹領縣二十兼置司隸領郡七

獻帝初平元年董卓遷都長安郡縣志黃白城在京兆府三原縣西南十

五里李傕亂政天子東遷三輔飢歉乃移保黃白城即此地也秦曲梁宮在縣西南十五里黃白城內

三原今屬耀州建安元年還雒陽曹操遷帝于許縣本許國

魏文帝改曰許昌故城在今潁昌府長社縣許田
南三十里唐屬許州後唐改許田熙寧四年省入長
社通志光武又以南陽為別都謂之南都張衡南都賦陪京之
南居漢之陽摯虞曰南陽郡治宛在荆之南

三國都

漢昭烈於沔陽立為漢中王即位武擔之南沔陽在興

元府西縣西武擔山在城都府西都成都公孫述改蜀郡為成都劉

成都唐玄宗幸蜀為成都府魏武為魏公都鄴鄴縣漢為魏郡治

徙其居民南遷四十里以安陽城置鄴後魏置相州隋文

縣本朝熙寧六年省入相州臨漳縣文帝復都洛陽

黃初二年以譙為先人本國今亳州譙縣許昌為漢之所
居長安為西京之遺迹鄴為王業之本基與洛陽號

曰五都 吳大帝屯吳今平江府建安十三年初鎮丹徒

今鎮江府築京城南面西面各開一門因京峴號為

十六年徙治秣陵十七年城楚金陵邑號石頭改秣

陵為建業今建康府黃初二年自公安今江陵府都鄂改

鄂為武昌今壽昌軍黃龍元年遷都建業陸遜輔太子登

留武昌歸命侯甘露元年徙都武昌後還都建業滕

牧留鎮武昌

晉都

晉武帝都洛陽故洛陽城在今洛陽縣愍帝都長安元

帝南遷都建康都城周二十里十九步木吳舊址

宮始修城開陵陽等五門與宣陽為六蘇峻滅後宮
劉文德皆云王
者之宅不可改

宋齊梁陳都

宋因晉舊都于建康齊因宋梁因齊梁元帝興復即

位于江陵

將還建康胡僧祐等曰建業王氣已盡與
虜正隔一江若有不虞悔無及也帝以建

康彫殘江陵全盛從僧祐
等議詔王僧辯鎮建康

陳復都建康後梁蕭詧都

江陵稱臣於魏為附庸

後魏都

拓跋氏東胡之後別部鮮卑

劉道原以為檀石槐
兩部大人推寅之後世

居北荒

因大鮮卑山為號鮮卑山在營州柳城縣東
二百里赫城之東塞外亦有鮮卑山在遼西

萬曆十六年

皇朝長口

七

監生汪逢陽

之北一百里未詳孰是方微遷定襄之盛樂盛樂縣在朔州北漢志成樂祿

官分國為三部一居上谷北濡源西東接宇文部自

奄統之一居定襄之盛樂故城使猗盧統之晉懷帝時劉琨表以猗盧為

大單于封代公徙馬邑唐為朔州城盛樂以為北都脩故

平城以為南都愍帝進猗盧為代王食代常山二郡通典今代州城

後魏賀正始都東木根山什翼犍更營盛樂建國元年即位

於繁峙北三年都雲中之盛樂宮秦苻堅殺寔君而

分其國什翼犍之孫珪立為代王登國元年即都雲

中在朔州北三百餘里魏上地記雲中宮在雲中故

改代曰魏自雲中徙都平城置司

都平城

漢本道武所都

漢雲中郡地

州代尹

天興元年遷都平城後漢注今雲州定襄縣通典即今雲州隋雲內縣常安鎮也 孝

文太和十九年遷洛陽以平城之司州為恒州洛陽

置司州河南尹二十年改為元氏後孝武遷長安為

西魏孝靜遷鄴為東魏

孝文經鄴登銅雀臺崔光曰鄴城平原千里漕運四通有

西門史起舊迹可以饒富請都之孝文曰鄴城非長

敗且西有枉人山東有列人縣北有栢人城君子不

飲盜泉惡其名也葉氏曰孝文慕華風變夷俗始遷

洛邑根本既虛隨即崩潰朕則用夏變夷者聖人之

道也以夷制夏者夷狄之利也失其利則襄反其常

則滅身得謂黎民

懷之三才其舍諸

後周北齊都

周宇文氏繼西魏都長安

於長安城中置萬年縣唐高宗幸故長安城問侍臣

秦漢以來幾君都此許敬宗曰秦居咸陽漢齊高氏

惠帝始城之其後符堅姚萇宇文周居之
繼東魏都鄴後魏置相州東魏初遷都置魏邢北齊

縣音入
臨漳縣

隋都

隋文帝都長安長安縣長壽坊開皇二年營建新都在漢故

城之東南十三里本後周京兆郡萬年縣界南直終南山子午谷

北據渭水東臨灞澮西枕龍首原三年遷新都名其

城曰大興城文帝初封大興公故以名正殿曰大興殿宮曰大興宮北苑曰大興苑改萬

年縣為大興縣或曰宮之大興殿本大興材故因用

其名通典唐京城是也呂氏曰西京記云大興城南直子午谷今據子午谷乃漢城所直隋城南直石鱉谷則已微西不正與子午谷對也大興京城東西十八里一百十

五步南五十五里一百七十五步皇城之南東西十坊南北九坊皇城之東西各十二坊兩市居四坊之地凡一東都通典云故都城自周至隋大業以前當百十坊

為都邑今都城隋大業元年所築兩京記煬帝登北

門即自古何為不建都於此蘇威曰以俟陛下大業

元年自故都移於今所其地周之王城初謂之東京改為東都六典煬帝詔楊素宇文愷移故都創造南

直伊闕之口北倚邙山之塞東出瀍水之東西出瀨水之西洛水貫都有河漢之象東去故都十八里大

平御覽煬帝遷洛陽於故周之王城即今東都城也

煬帝幸江都於揚州立李淵立代王侑於長安王世

克立越王侗於東都

唐都

高祖都長安本隋都改大興殿曰太極六典京城左

河華右隴坻前終南後九變皇城在京城之中今謂之子

城宮城在皇城之北禁苑在大內宮城之北西內極

宮東內大明宮南內興慶宮通典武德以來稱京城唐志天寶

元年日西京至德二載日兩京記高宗日兩京朕東

西二宅始作上陽等宮武后定都洛陽昭宗天祐元年朱全

忠遷唐都于洛陽大典東都城左成臯右函谷前伊

闕後邨山唐志貞觀六年號洛陽宮顯慶二年日東

天寶元年日東京肅宗元年復為東肅宗至德二載

以蜀郡為南京成都府鳳翔為西京西京為中京上元

元年置南都於荊州為江陵府寶應元年詔日五都之號

其來自久宜以京兆為上都河南為東都鳳翔為西

都江陵為南都太原為北都唐志北都天授元年置神龍元年罷開元十二年

年復置天寶元年曰北京上元二年罷肅宗元年復為北都大典京兆河南太原為三都

五代都

梁朱晃以汴州宣武節度建國升為東都開封府以

東都為西都廢京兆府為雍州後唐莊宗即位於魏州同光二年

東京與唐府三年改為鄴都滅梁遷洛京元年以太原為西京鎮州為北都又復北

都為鎮州太原為北都復汴州為宣武軍永平軍為西都二年以洛京為東都晉石敬瑭

鎮太原即位都洛陽徙都汴行闕以太寧宮為各升汴州為東京開封府以

洛陽為西京雍州為晉昌軍改漢劉暠即位於太

康熙二十六年刊

通鑑卷一百

七

原都汴

改晉昌為永興軍
廣晉為大名府

周郭威都汴

廣順二年
修大梁城

三年築郊社壇作太廟於大梁
廢鄴都二年以大梁城中迫隘詔展外城

宋朝四京

東京開封府舊城

卽汴州城

唐建中初李勉築

周四百二十五里

十五步本朝曰

新城周顯德三年韓通築

周四百八里二百

三十三步本朝曰

大內據闕城之西北宮城周四

軍

卽唐宣武節度治所梁為建昌宮晉為大寧宮建

隆三年廣皇城之東北隅按洛陽宮殿圖修之乾

德三年導五丈河通皇城為池祥符九年增築新城

熙寧八年重修都城太祖生於洛陽有遷都之意晉

王言非便太祖曰朕將西遷者欲據山河之固而去

允兵王又言在德不在險太祖曰不出百年天下民

力殫矣范文正公曰太平則居東

京天下急難則守西洛山河之宅

通志卷之

二十一

五十五

四戰之城受敵最深魏東徙治梁王假被虜一國
爲魚梁末帝之禍尤深王假靖康之難幾於石晉

西京河南府開寶八年修洛陽宮室九年幸西京四

月有事南郊京城周回五十二里大內據京城之西

北宮城周回九里三百步 南京應天府闕伯所居

商丘周爲宋國漢爲梁國隋唐爲宋州太祖以歸德

軍節度使卽位定有天下之號曰宋景德四年升應

天府祥符七年升南京 正殿曰歸德 高宗卽位于此 北

京大名府漢屬魏郡後周置魏州唐置天雄軍後唐

建鄴都曰興唐府晉建鄴都曰廣晉府後漢曰大名

府 輿地廣記左傳晉賜畢萬魏十偃曰魏大名也其各於今爲河中之永樂壽元城之魏也漢以大名

各此矣矣今按舊唐書因悅稱魏
王以魏州為大各府其失始此
慶曆二年升為北

京正殿曰
班瑞

中興行都

建炎元年幸揚州三年幸杭州進幸江寧改江寧為

建康府四年幸温州復幸越州紹興二年以杭州為

臨安府幸臨安三年營建康行宮即舊府治張浚謂
人主居此則北望

中原常憤揚
不敢服逸四年進幸平江府五年還臨安六年又

幸平江七年進幸建康八年復還臨安遂定都三十

一年幸建康三十二年還臨安真氏曰國家南渡駐
蹕海隅何異越樓會

過節禮樂文物本不應告
讎而秦檜乃以議印移奪

上心粉飾太平沮錄士氣士大夫豢於錢塘湖山
舞之娛無復故都黍離麥秀之歎此檜之罪所為上
通於天而不可殞也朱文公曰建康形勢雄壯長
淮破則只隔一水欲進取則可都建康欲自守則不
若都臨安建康形勢勝於臨安張
浚欲都建康趙鼎入相遂定都臨安

邵子曰三皇春也五帝夏也三王秋也五伯冬也七
國冬之餘冽也漢王而不足晉伯而有餘三國伯之
雄者也十六國伯之叢者也南五代伯之借乘也北
五朝伯之傳舍也隋晉之子也唐漢之弟也隋季諸
郡之伯江漢之餘波也唐季諸鎮之伯日月之餘光
也後五代之伯日未出之星也

五伯

夏伯昆吾

杜氏云東郡濮陽縣唐五德四年析濮州僕陽置昆吾縣八年省濮陽縣今屬開德

府拈地志昆吾故城在縣西三十里

商伯大彭

今徐州彭城縣豕韋或謂之韋杜氏云東

郡白馬縣東南有韋城今滑州韋城縣

周伯齊桓

世家太公都營丘地志營丘在青州臨

淄北百步外城中水經注臨淄城中有丘淄水出其前經其左故有營丘之名胡公徙都薄姑括地志薄

姑城在青州博昌縣今博興縣東北六十里薄姑氏即殷諸侯國地理志琅邪姑幕縣應劭曰薄姑氏之

國後漢注姑幕故城在密州莒縣東北獻公徙薄姑都治臨菑輿地廣記青州臨淄縣城臨淄水即管丘

也晉文叔虞封唐括地志故唐城在絳州翼城縣西二十里即堯鬻子所封子燮為晉侯徒居晉

水傍在并州晉陽縣北二里詩譜云燮父以堯墟南有晉水改曰晉侯穆侯自晉陽徙都絳孝侯改絳為

翼一名故絳在絳州翼城東南十五里後為曲沃武公所并自曲沃徙都之獻公又命曰絳後魏為北絳

縣隋改曰翼城景公遷新田又謂新田為絳括地志絳邑故城漢絳縣本晉都新田在絳州曲沃縣南二里因絳山為名通志

十二諸侯

太史公曰齊晉秦楚其在成周微甚封或百里或五

千里晉阻三河齊負東海楚介江淮秦因雍州之固

四國佚興更為伯主文武所褒大封皆威而服焉譜

十二諸侯自共和訖孔子 魯都曲阜 括地志兖州曲阜縣外城

即魯公伯禽所築祥符中改曲阜為仙源 齊 晉 秦 見前 楚 見後

宋都商丘 世本宋更名曰睢陽正義今宋州宋城縣 衛都朝歌 故城在衛

州衛縣西二十二里衛 戴公廬于曹 亦作漕今滑州白馬是也 齊

桓城楚丘而居文公焉括地志楚丘滑州衛南縣今儀開德府成公遷

帝丘濮陽元君徙野王正義懷州城古野王邑也陳都宛丘今陳州治

蔡本畿內之地為蔡叔之采邑孔安國云叔封圻內世本叔居上蔡

書正義圻內蔡地不知所在蔡仲改封汝南宋仲子云胡徙居新蔡杜預云武王封叔

度於汝南上蔡括地志蔡州土蔡縣在州北七十里古蔡國外城叔度所都城也有蔡崗在縣東十里因

名平侯徙都新蔡蔡州新蔡縣昭侯徙州來以州來為上下蔡州來即下蔡

縣今壽春府治曹都曹今廣齊軍治定陶是鄭桓公友初

封於鄭括地志故城在華州鄭縣西北三里武公取虢鄆十邑之地居

之今河南新鄭是也今鄭州新鄭縣燕見後吳都吳

哉始居蕃離宋忠注熟共仲雍也蕃離正義太伯居梅里在常州無錫去東南

下十九世孫壽嬰居之號句吳蘇州也世本吳
子齊築闔閭城都之今蘇州也索隱云
家楚徙吳宋忠注句吳太伯所居地名
言十二實叙十三者賤夷狄不數吳
伯起城周三百餘里在西北隅名
曰故城闔閭元年造大城周回四十七里築小城周
十里寰宇記太伯初適吳築城在平門外太伯王
僚二十王都之今常州無錫縣東南四十里有吳
太伯城是也闔閭始築吳郡城都之今蘇州城是通
典常州無錫注太伯始居此地蘇州注闔閭以後都
于此越都會稽今會稽城亦謂句踐城句踐徙都琅
其二稱越皆在昭公之時其三稱於越二在定公一
在哀公之時蘇氏曰十二諸侯首魯訖吳實十三國
而越不與焉不知中國禮樂絕而棄之
通典吳之都其南百四十里與越分境

六國

趙之先造父封趙城

今晉州趙城縣

晉獻公賜趙

耿中府

今河

萬曆丁亥年

南華天曰

三

監生吳時遷刊

龍門縣東南趙表居原括地志故原城存豫州濟州屬孟州簡子居

晉陽今太原府獻侯治中牟索隱曰在河北敬侯元年始

都邯鄲今磁州縣魏晉獻公以魏封畢萬魏城在陝州

里漢河北縣輿地廣記河中府永樂縣古魏國唐分

芮城置水經注永樂澗水北出于薄山南流逕河北縣

故城西故魏國悼子徙治霍晉州霍魏絳徙治安邑

在陝州夏縣又解州縣武侯一年城安邑惠王三十一年徙治大梁今開

封府祥稱梁王韓武子封於韓原今同州宣子徙

居州漢河內州縣括地志懷州武德縣本周司寇蘇

貞子徙居平陽晉州臨汾縣世本哀侯二年滅鄭

徙都鄭改號曰鄭今鄭州新鄭縣戰齊田和立

都邑

為齊侯都臨菑地理志臨菑名營丘故齊詩日子之營兮楚熊繹當周

成王時封於楚蠻居丹陽徐廣曰在南郡枝江縣今江陵府括地志歸州巴東

縣東南四里歸故城楚子熊繹之始國也輿地志秭歸縣東有丹陽城周迴八里熊繹始封也文王

始都郢括地志紀南故城在荊州江陵縣北五十里杜氏云郢今南郡江陵縣北紀南城是括地

志平王城郢在江陵縣東北六里故郢城是也昭王去郢北徙都都括地志

故城在襄州樂鄉縣東北三十三里輿地廣記都縣故都國春秋時自商密遷此為楚附庸楚滅之昭王

畏吳自郢遷焉後復還郢唐改為樂鄉周省入宜城縣今襄陽府襄王二十三年秦

拔郢東北保於陳城今陳州考烈王二十二年東徙都

壽春命曰郢今安豐軍壽春縣項梁立楚懷王孫心為楚懷

王都盱台今招信軍項羽尊懷王為義帝徙長沙郴縣今

州荆自文王始見於春秋僖元年始稱楚 燕武王

封召公於北燕都薊

幽州薊縣司馬公曰春秋時比燕至微通介蠻貊不與中國之

會盟太史公世家以姑姓之燕仲父伐周惠王者為北燕誤矣括地志燕山在幽州漁陽縣東南六十里

國都城記地在燕山之野故國取名焉輿地廣記武

王封帝堯之後於薊又封召公於北燕其後燕國都

薊詩補傳曰薊後改為燕猶唐之為晉荆之為楚或

曰黃帝之後封於薊者已絕成王更封召公奭於薊

為燕 蘇氏曰周衰姬姓復興者三國燕韓魏皆據

地千里 戰國策安邑者魏之柱國也晉陽者趙之

柱國也鄢郢者楚

柱國也柱國都也

十八王

漢異姓諸侯表據漢受命譜十八王西楚霸王項籍

都彭城

今徐州

衡山王吳芮都邾

今黃州黃

臨江王

敖都江陵

江陵府縣

九江王英布都六安

安豐軍安豐縣

常山王張

耳都襄國

邢州龍岡縣

代王趙歇都代

蔚州

臨淄王田都都

臨菑

青州縣

濟北王田安都博陽

在濟北

膠東王田市都

即墨

萊州膠水縣南

雍王章邯都廢丘

京兆府與平縣

塞王司馬欣

都櫟陽

京兆府縣

翟王董翳都高奴

在鄜州府膚施縣

金明寨燕

王臧荼都薊

幽州

遼東王韓廣都無終

薊州田縣

魏王魏

豹都平陽

晉州城西南

殷王司馬卬都朝歌

衛州衛縣今濬州黎

陽縣衛鎮

韓王韓成都陽翟

今潁昌府

河南王申陽都雒陽

今河南府

西漢末羣雄割據

萬曆十六年

通鑑卷一百一

三五

監生汪達陽

赤眉樊崇立劉盆子於長安居長樂宮 彭寵據漁

陽稱燕王今薊州 王郎稱帝於邯鄲今感州 劉永據

睢陽為梁王稱帝今應天府 盧芳據安定稱西平王匈奴

立為漢帝 隗囂據天水為朔寧王今秦州初據平襄後保襄縣

秦豐據黎丘號楚黎王今襄陽府宜城縣黎丘城 張步據臨

淄為齊王今青州 董憲據東海為海西王今海州 李

憲據廬江稱淮南王今廬州 公孫述據成都為蜀王

稱帝號成家今成都府

十六國

涼 蜀 趙 後趙 燕 秦 後燕 後秦 西

秦 後涼 南涼 南燕 西涼 北涼 夏 北

燕 晉載記劉淵以惠帝永興元年據離石州今石州稱

漢 永嘉二年徙都蒲子今隰州隰州縣僭位遷都平陽今晉州 劉曜徙都長安國

號曰趙 謂之前趙曜子嗣奔上邽 李雄以永興元年稱成都王僭

帝位 建國為成壽改蜀 後九年石勒據襄國今邢州稱

趙 石虎據鄴令相 張氏先據河西張軌據姑臧今涼州 是歲自

石勒後三十六年也重華自稱涼王據敦煌今沙州謂之前涼 後

一年冉閔據鄴稱謂後一年符健據長安稱秦永和八年

僭位苻丕稱帝于鄴苻慕容氏先據遼東虜遷于徒

登稱帝于隴東南安郡後居棘城通典漢徙河縣之青山在營州城東 稱燕

百九十里棘城在營州城東南一百七十里

是歲自苻健後一年也僞始僭號號以咸康三年節燕王位纂龍城改

柳城為龍城縣七年遷都龍城號新宮曰和龍通典

營州柳城縣有和龍城通志即大遼之黃龍府也僞

都薊以永和八年僭位自後三十一年後燕慕容垂

薊城遷于鄴謂之前燕據鄴都中後秦姚萇據長安後二年西燕慕容冲據

阿房京兆府長安縣有阿房宮是歲也乞伏國仁據枹罕今河

秦都苑川通典在蘭州五泉縣後曰子城縣北史纂

注苑川水出勇士縣之子城南山東北流世謂之子

城川又北逕牧師苑故漢牧苑之地也有東西二苑

城相去七里西城後一年慕容永據上黨稱帝於長

即乞伏所都也

子今潞州是歲呂光據姑臧稱涼謂之後涼後十二年慕

容德據滑臺今滑川稱南燕都廣固今青是歲禿髮烏

州益都縣西

孤據廉川

築廉川堡以都之隆安元年稱西平王水經注漢水又西南合楊廉川水隗囂奔西

城從楊廣後人以廣為廉置楊廉縣水出西谷東流逕西城縣故城北後漢注西城縣屬漢陽郡一名

始昌城在今秦州上邽縣西南稱南涼 烏孤更稱武威王後三歲徙于樂都通興鄯州湟水縣有

湟水一名樂都水後魏置鄯州後周置樂都郡今為西寧州又云烏孤都廣武張駿置廣武郡蘭州廣武

縣也唐更名金城縣利鹿孤徙居西平後漢西平郡故城在鄯州鄯城縣西今西寧川以隆安五年稱河

西王儁檀以元興元年號段業據張掖州今甘稱北涼涼王遷樂都又遷姑臧

三年李暠據敦煌稱西涼 遷酒泉今肅州 後一年沮渠蒙

遜殺段業稱涼 都張掖遷姑臧謂之北涼 後四年譙縱據蜀稱成

都王後二年赫連勃勃據朔方都統萬州 今夏 稱大夏

赫連定僭號於平涼今渭州 後二年馮跋據和龍 營州柳城 稱北燕為

康歷二十六年刊

戰國者一百三十六載何氏曰晉之興中原半為夷居劉淵匈奴也而居晉陽

勒竭人也而居上黨姚氏羗也而居扶風苻氏也

而居臨渭慕容鮮卑也而居昌黎氏以劉淵一倡而

并雍之胡乘時四起邵子曰晉室之禍本於夕陽亭

之一言石勒長嘯于上東門亦悠悠爾蘇氏曰劉石

慕容苻之儔覆亡相繼遠者不過一傳再傳而滅何

也其心固安於無法也而束縛於中國之法中國之

人固安於法也而苦其無法君臣相戾上下

相厭安能久乎晉取三焉蜀南燕後秦

隋末群雄割據

鄭王世充據東魏李密據鞏梁蕭銑據江陵夏竇建德據

縣遷都燕高開道據漁梁師都據朔涼李軌據武

洛州燕陽薊州梁師都據朔夏州威涼州涼州

秦薛舉據金永樂李子勝定楊劉武周據馬邑

城蘭州林勝榆為定揚可汗

朔州漢東劉黑闥吳李子通據江吳杜伏威據歷梁沈

州漢東據洛州吳揚州吳和州梁

州漢東據洛州吳揚州吳和州梁

與起吳興宋輔公祏據丹陽楚朱粲據南
令安吉州故宮都之今鎮江府鄧州
操師乞據豫州林士弘據虔
章令隆興府楚魯魯徐國朗
州今贛州魯墟於兗州

十國

歐陽公曰自唐失其政天下乘時黥髡盜販衮冕戎
魏吳暨南唐姦豪竊攘蜀險而富漢險而貧貧能自
疆富者先亡閩陋荆蹙楚開蠻服剝削弗堪吳越其
尤牢牲視人嶺蠻遭劉百年之間並起爭雄山川亦
絕風氣不通語曰清風興羣陰伏日月出燭火息故
真人作而天下同

職方考梁初天下別為十一國南有吳楊行密浙錢

鐸荆高季興湖馬殷閩王審卿漢劉隱西有岐李茂

貞蜀王建北有燕劉仁恭晉李克用至於周末在者

七國自江以南二十一州為南唐自劍以南及山南

西道四十六州為蜀自湖南北十州為楚自浙東西

十三州為吳越自嶺南北四十七州為南漢自太原

以北十州為東漢而荆歸峽三州為南平劉道原

十國紀年吳楊行密唐李陵遷後稱江南都金陵前蜀

成後蜀孟知祥吳越錢鏐閩王審知漢劉隱楚馬

都成都荆南高季興南陵北漢劉昺五代史曰王延政以建

稱殷即閩也

胡文定公曰避寇而徙都未有能復振者周自豐鎬
徙于東洛而不振魏自安邑徙于大梁而不振楚自
渚宮徙于陳蔡而不振劉嗣自咸陽徙于上邽而不
振赫連定自統萬徙于北地而不振李景自秣陵徙
于豫章而不振故中夏定都必與俱存而不動

平氏綱曰

後唐李氏有淮南則可都金陵其後生之遂以割弱

通鑑地理通釋卷第四